



卷七 寺记

卷八 寺记

卷九 寺记

卷十 制诰

卷十一 制诰

武溪集二

武溪集卷第七

工部尚書充集賢院學士贈尚書左僕射累贈

命少師謚襄公余靖

寺記上

筠州新砌街記

韶州翁源縣淨源山旣石院記

廬山承天歸宗禪寺重脩寺記

廣州南海縣羅漢院記

韶州樂昌縣寶林禪院記

韶州淨源山定慧禪院思長老壽塔銘



韶州開元寺浴室記

韶州重建東平山正覺寺記

廬山歸宗禪院妙圓大師塔銘

廣州烏龍山覺性禪院草堂記

韶州新砌街記

予至筠州之明年道者僧體謙袖謁及門既坐遂言  
本永嘉人寓筠二年去居廬山筠之崇善者曰吳太  
元命之復來募衆得錢一十萬召工鑿金山陶土得石  
與磚若干千萬砌成大道北斷于江其南西繚于  
闌闔凡若干萬尺橫渠暗竇爲橋以通之凡若干所

善捨之士以道計者自五百尺至百尺凡若干人以  
錢計者自三十萬至一萬凡若干人一萬而下不可  
勝計所得錢不以簪毫自私皆寄某氏之帑朱出墨  
入悉某氏主之麻衣草屨以董衆役暮宿甄舍飢食  
於施者家凡若干年而工畢乞書其事而誌之吁今  
夫地征物賦官司列榜笞謹期會上監下督民猶有  
靳固而逋負者至以西方之教一呼于衆則發畜積  
割珍愛欣然無所惜其故何哉蓋儒以禮法御當世  
使人遷善而去惡佛以因果誨未來使人脩福而避  
禍然世有積善而過禍積惡而蒙福者雖有仁智無



如之何釋之徒則曰彼前世之所爲今獲其報耳今世之脩報在來世又言沒有天堂地獄苦樂之趣次序纖悉故無刑而威無爵而勸歸之者如川之流壅之不停去之不竭其爲教大抵若是其有竊佛之權愚弄於衆財未入手先營其私衣華暖居宏麗噉其脆極力肆意無畏憚者十六七焉彼上人者獨弊衣糲食苦其行而外其利又能得開信同心成此利益使夫趨官曹遊旅肆者出洋泥入清淨之境真奉佛事勵戒行而好方便者也誌之無愧詞

韶州翁源縣淨源山耽石院記

古之學佛者內樂空寂以照自性外作饒益以濟群動故行脩於已而功施於物雖巖居穴處草衣木食委去浮累超然獨往而萬家之城十室之聚率有信嚮仰爲開導由是攀蘿躡雪謁棧險梁深異人所居必立精舍耽石院者翁川之列刹也山川葱鬱香絕紛囂泉石幽竒足以耽翫唐大中三年有僧法光爰此前剪茅衆爲竺室去華擬實遂以耽石爲名劉氏瓜剖亂離斯瘼鍾唄之聲幾乎息矣開寶初因其故號遷于上潭香火僅在風幡無託不有廢也其何以興天聖中今住持慧周同擅越巢迪等相與謀曰佛之示權也大矣人



之起信也又矣察榮悴者知其果視禍福者存乎應崇  
善者有精進以篤其脩畏罪者有懺悔以寡其過多藏  
者有布施以破其惑念往者有追奉以廣其孝是知民  
之間并不可一日而違塔廟也既而同焉者募異焉者勸富  
焉者資巧焉者力其相土也則疊岫賓挹潯溪帶附其度  
材也則百堵雲構四阿翬飛其設像也則金壁睥容天龍  
善衛其據境也則珍木彌望佳氣襲人真崇福之秘宇絕  
塵之幽致也苟非智者創謀善人協規孰能與於此哉巨石  
如屏泉淙于下可以爽情靈可以滌塵慮命名之始其在  
茲乎就崖龍石琢傳之不朽皇祐元年八月日記

廬山承天歸宗禪寺重脩寺記

佛氏之權大矣三乘十二分之教雖所說不同同歸  
於化人爲善入天龍鬼無不歸仰故一一城邑一一  
聚落一一川原一一巖岫未嘗無刹也俗無華裔士  
無沃壻十室之居萬里之遠鍾梵之聲相聞世人不  
厭其多夫惟群動外誘則其智昏一念內息則其心  
寂習浮圖者定慧發光以戒爲本故居城廓之曠吏  
不若山林之閑曠也天下溪山之秀江國爲最塔廟  
之嚴廬阜爲勝近不接於塵空遠弗託於巖峻曉叅  
夕問無非佛事歸宗田焉本晉右將軍王逸少之宅



也壇宇雖改墨池猶存天竺耶舍尊者振錫來居遂  
作布金之所江左六代至于隋唐摠以律儀莫窮譜  
系正元中江州刺史李勃與智常禪師爲雲霞之交  
兼師友之契爰開法席革以禪規常禪師馬祖之嗣  
風韻殊特初有日者言師相有異表師聞之曰吾學  
佛者異欲何求遂以沙眯其目輒有流星之應時人  
因其驗亦呼爲赤眼道人四方來學不下千衆自是  
燈燈相繼于今二十三世矣皇朝景德三年以誕聖  
節名承天賜爲寺額仍冠歸宗之號叢林之盛少能  
比擬棟幹之隆幾及千間皇祐初出饑之災鬱爲煨

燼長老慧南既痛已身逢此壞相又思成性莊嚴當  
由我興於是精勤再造同於經始未終厥志奄先歸  
寂妙圓禪師自寶昔嘗衆請在十八世矣諸方道目  
推爲禪伯弟以雲居又隨綱領徒貌座而振之及是  
緇黃共議還師故處人之求舊群情胥悅智者獻謀  
匪者獻藝富者獻財壯者獻力士毛所入日用所資  
衆竭其誠簪毫無隱遠者伐山近者陶土而紺宇巍  
然巧思鋪金寓形設色而寶像儼然惜其能事未終  
倏亦避去道宜紹之亦才數稔今長老慧通嗣摠清  
衆極力興脩凡陂而未平基而未構器之未具像之



未完月綴歲其工無暫捨期於大備又加飭焉素不  
至朴嚴不及麗香火所度賓主所止經行作務群居  
獨息各爲區域莫非僧儀愚嘗謂臣庶之家雖五世  
相韓七貂仕漢子孫能保故居者鮮矣至於禪宗佛  
宇或時遷代易而鍾唄巾蓋不絕者何哉選於衆擇  
其能而授之乃克起弊補廢而永厥世也必因夫大  
患難大災害然後見哲匠之才謀菩提之願力古今  
已然之勢也故十三年之間繼擇開士而見寺制周  
焉監寺僧松思寶師之門人也遣佾馳書數千里句  
詞爲記不獲讓而志之嘉祐八年十月日記

廣州南海縣羅漢院記

孔子曰可與適道未可與權則知道者聖人之中正  
也守常而不可變權者聖人之輕重也應變而隣於  
譎權之時用大矣哉佛氏生於西域與諸華土壤斷  
絕殆將萬里其滅度後且千歲摩騰竺法蘭始持其  
書踰葱嶺東土當時未之識也迺繹漢明祕夢以肖  
其像復築鴻臚外館以居其徒紬其梵音以通華言  
諷誦講說日漸月清自是迄今又且千歲天下之俗  
雲蒸波委秀眉之老毀齒之童服役其事惟恐在後  
百戶之邑十家之鄉銛鼓梵唄未嘗可闕其故何哉



蓋佛以大權寵萬化歸於至理而已其爲教也禁殺  
伐斷淫妄崇布施重懺悔性命之說付之通傳之士  
因果之論精入鬼神之城使賢者務脩愚者生怖同  
歸於善也且夫螺飛蠕動含生之倫莫不畏苦而趨  
樂圓手方足最靈之品莫不歧高而好勝而况血氣  
充於內嗜欲誘於外不足而後爭有餘而後肆欺誣  
巧偽皆欲勿爲而不能已也非權局以誘之哉嗚呼  
人羊相噉生死循環一念作惡流入胎卵有知之所  
同懼也高貨厚產逐利不休暫持所愛則獲福報常  
情之所樂爲也欺天罔上造惡者最攝心自悔罪即

消滅衆人之所願聞也死喪之哀五情潰亂聞有遺  
教俾其熏脩能餉亡者往生善處則雖捐軀破產無  
所靳吝孝子之不忘其親也迺知浮屠塔廟相望於  
野不爲過矣南海諸越之冠邑也番禺大府節制五  
嶺秦漢已來號爲都會邑即郡治俗雜五方史謀誌  
之此無預焉邑之南有里曰豐衍村曰平洲山曰秀  
羅院曰羅漢自劉氏歸命里落荒榛院之餘基鬱爲  
茂草然而名在郡圖未削也至天禧中聖化翔洽踰  
五十載國無橫賦民有常業生聚既衆倉廩既實亡  
者必有悼也而不知其所之存者必有脩也而不知



其所嚮者艾同議香火爲歸爾時檀越麥延紹等五十餘人列名請今住持僧法宗建刹奠居以奉西方之教繇是相山林視原隰基奕塏宅闢曠令元龜而協謀仰定星而考室罄已所有惟力是視募衆所得一簣不私飾土以寄虔敬斷龕縹碧以極尊崇之數倚席以待衆故節稅輪與以開討論之地一飯之約擊鐘而示嚴四方之來折床而忽拒茂松嘉樹莫非手植締構繕完其亦勤矣却視城闕塵囂不來前瞻海潮法音如在真物外之幽絕也人地相高衆所推擇遂選爲縣僧首凡僧之董領教門者國曰統曰錄郡

曰正縣曰首苟非才出輩類孰能得之法宗師本郡人姓陳氏幼以經業自進長以戒行自守遂能闡揚佛事化其聚落咸使信嚮稱爲一邑之首噫彼上人者僻居海嶼不求聞達至於志有所立行有可取人則戴之以爲領袖自脩者可以勸人其信矣乎康定辛巳歲予以縞冠南來得其狀而書之既誌佛之權且警夫怠者云耳

韶州樂昌縣寶林禪院記

上士真心而履道其次崇善以濟物道充於內而迹彰於外物應於爾而名聞於遠所以諮事而察其言



尋聲而索其實一家之譽必用之於鄉一鄉之秀必  
升之於國蓋善惡起諸已毀譽成請壞擇賢採異用  
此術也今天推自稠人之中陞于高座之上巍然當室  
之白以師道自處使同袍濟濟北面就列拜起趨揖如  
事君父若非深識懸解領悟性相春容一音發矇去惑  
者衆多之心豈易伏哉越人右鬼而劉氏尤佞於佛故  
曲江名山秀水膏田沃野率歸於浮屠氏郡之屬邑  
曰樂昌去縣郭四十里有院曰寶林地靈境勝一邑  
之冠遠郊近落率來瞻仰故常登延開士主其熏脩  
於戲棲山林以逐其高道江海以安其閑幽人奇士

所以擊節而爭往也又况有棟宇以資其偃息有菑  
畬以奉其饘粥果能擇得聞人以付之俾其發揚佛  
事開導域俗奉行諸善共避衆惡此乃因 高僧之  
適成兼濟之利者也今長老圓祐師福州懷德人姓  
陳氏學嶺放於黃梅山顯宗禪師服勤二十年書問  
夕參遂探幽禪乃曰未脫自縛安能度人即謀南歸  
以下終焉之計惟茲寶林之衆屢易師長而莫能興  
葺以延四方於是計使鄒公覃遠聽傳採得師於虔  
之慈雲遂迎以來俾尸其衆時景祐三年也先是院  
制度狹小不克稱于其名毀陞庠下堂奧淺仄居才



數畝面臨迴照影過亭午則暑氣鬱勃坐者揮汗至於未光師以日廩之餘悉付營造易其堂殿負陰向陽增築厥基殆逾百堵伐山陶土剗剗圩墁之工百役自具不假外徇居者執畚而同力來者掛錫而如歸夏開南榮冬塞瑾戶無復往時之陋也乃知擇得其入爲利自博但無意侵漁能守厥舊已足佳矣矧能指無脩之要以悟自性精有爲之勤以勵後學此而不記將孰記哉康定二年九月日記

韶州淨源山定慧禪院思長老自造壽塔銘  
夫鴻鵠翔於青雲之上魚龍潛於深泉之下安其性

也人之處林野樂閑曠棲神養和保終性命得其適也古之達士者皆自爲祕器壽室以下返真之宅周官有家入莫矣夫掌其禁令與其位數然世人尚以死爲歸獨象莊民昌言矯俗云富者苦身疾作多積財而不盡用貴者夜以繼日思慮善不若死者無君於上無臣於下雖南面王之樂不能過也莊生之言蓋猶佛氏所云厭生死苦樂涅槃樂者歟佛之去世天下之國分其齒骨瓜髮舍利而藏之爲塔於其上奉之如其存後之學佛而終者皆塔而不墳後象數也今淨源長老名邵思姓李氏曲江都渚人於曹



溪南華寺出家受具既而歎曰身居曹溪漫不知其  
門域當自愧其名遂起游方之念天台南岳無不之  
也最後見洞山聰和尚得悟入之要以歸焉州以近  
郭名藍宜擇知宗乘者統領其衆遂召師居之書登師  
座夕啓虛室以延學徒各以其儀寺之西數百步有  
崗蜿蜒盤屈左右峯巒擁抱其前平敞可愛乃即崗  
之南麓為龕穴陶甃以累其傍上而側設地道以入又  
於其上屋之為塔之形曰吾將歸骨於此前構草堂  
數楹署曰寶福之庵日自策杖往來其間又煉其西  
北原樹以松栢仍得土之可壘者數十畝壘之取其

苗子爲香火之用屢登吾門乞詞將伐石而鏡之以

自誌云嘗與朋友私議今夫啗聲利爭尋常者桑榆  
末光影撒其氣然尚身戀珪組手握牙籌計生與利  
不知止息苟能解擲外累以死爲歸而休其心者亦  
足嘉矣孟堅書羸葬有爲爲之也自漢已來文士或  
自誌以掩幽室今思師不攻外典且畏予之去而固求  
先銘其側某亡叔葬其西原故嘗登是崗乃爲銘曰

生滅無本

是爲佛性

心境皆遣

同歸于靜

不諱其死

是達真理

性同虛空

體魄歸此

韶州開元寺新建浴室記



釋氏之爲道也兼濟於人不待乎達獨善之樂不專於窮以悲智爲脩者也悲之爲言仁之端也能與衆多作大饒益去大患難獲大安穩視物之累如身之憂建功而不祈賞益善而不祈報此悲者之爲也智之爲言介之徒也守靜默捨欣厭居市朝而非顯宅山林而非晦身同夢幻性等空虛離五蘊超三有此智者之爲也韶於嶺外爲望州廬祖印心之域故寺最衆僧最多然郭郭之居初無衆浴開元寺者精藍之甲也比芻延吉以頭陀苦行勸募依信量力出貨聿圖勝果乃於寺東南之外墳相善地市燬材購

梓人售陶工積勤營構用成温室八桂僧道瓊勾稽其簿矢謨於康定落成於慶曆之某年五日爲期一具湯沐重脩者得以消繁塵垢者得以滌蕩至者欣欣真兼濟之事也先是州跨二江通以浮梁夏潦暴怒歲苦漂汰人用艱涉戶煩科督吉師居河之涓極力糾率伐材以橫大航冶鐵以絡連鑠新而維之衆獲其便方輒並轡如履康莊積霖漲波不能衝齧非悲智所樂何以及此月華琳禪師叢林之宗工也以書來抵廬僕謁詞爲誌吉師曹溪人姓侯氏十六受具徧遊名山禪學通悟琳師稱之今受衆請爲住持



主云慶曆六年六月日記

韶州重建東平山正覺寺記

詩人之詠曰鳶飛戾天魚躍于淵蓋言上下至也翔極于高潛極于深則性之適矣山林之士豈不樂夫曠遠哉湘之南峽之北山莽連屬而韶居其交東平爲其望山富乎高深者也剪荆構宇靡詳厥初舊傳常宙大夫碑云劉綽尚書出家於此賜號大覺較其年名地域乃與本傳不同會昌之世例蒙檜毀咸通中知宗大師慧寂再肅僧儀恢復茲地四方來學緇褐千人寂師前任仰山時號小釋迦者是也門人道圓

扣關奏牘以東平勝地知宗名流興復靈境願頒勅額乾符二年錫名弘祖禪院改賜澄虛太師并紫方袍以寵之及其委蛻謚曰智通塔曰妙光劉主因之嘗割曲江之豐樂乳源龍歸三鄉民租以贍堂衆國家題期五緯敷佑四海出入月罔不率服野無屯師里無暴征吏良政清人用休息故攝心奉佛者沛然有餘力矣然而作大饒益興大功利建造崇立顯揚佛事苟非戒行消潔衆所欽矚者其成之固亦難矣開寶中刺史潘公懷裕嘗擇名德而績用弗成至道中火禁弗嚴變散爲患尺椽寸瓦煨燼無餘本寺



徒第徙厥基而新之咸平元年勅賜正覺寺額然綱  
領不振膏腴之士侵牟者殆半矣天聖初州命禮僧  
紹登恢隆祖席緝復未完而順寂焉提點刑獄林公  
升酷好禪學遂請今禪師得彬開堂續燈景祐五年  
也彬師化州石龍入兒童戲玩即好經梵之聲少年  
遊方徧參尊宿得法要於廬山羅漢院祖印大師侍  
執巾瓶十有八載屢齋山儀中闡進貢朝士稱其機  
捷既受衆請居山也到山食訖即召田客具肴挿尋  
知宗故基斷節結庵以闡于州符報從之明年盡復  
器入侵地籍所餘以募梓人斲木伐材堦埴不煩而

備噫佛氏之制閑矣像有鴟屋堂有狎座人不以為  
伏畫楹而居擊鍾而食人不以為侈天為兜率山為  
補陀人不以為誕施者惟恐不得豐其用匠者惟恐  
不能肆其巧金仙之權何其盛哉先是山去民居三  
十里指四峯以為境東名靈隱南曰大雄西號月輪  
北為獅子且知宗嘗聚學徒千餘故其制度得以閑  
肆窮毫溢楮所不能既若乃禪機祖學緇素所推名  
木奇樹方俗所異非關興構闕而不錄第誌歲月而  
已皇祐元年四月日記

廬山歸宗禪院妙圓大師塔銘



禪師諱自寶廬州合肥人姓吳氏生有奇相幼不同俗弱齡出家壽州普寧禪院智柔大師授以經律初具戒臘已抱出群之見躡履遊方遍參知識蘄州五祖山戒禪師駢馬都尉李公遵勗素所友善叢林匠石禪流所宗見師之來則曰大乘龍也許其入室置水投針理存默識得彼心要聲問翕然尋至筠州洞山自唐而來謂之洞上長老曉聰有名江左隨師通悟堪囑後事乃白於州頭以法席傳之四方禪學聞風遠至戶以待次每至宵分擅施交積庫司常餘百萬黃檗山唐相裴休所施莊田舊贍五百餘衆近歲

僧繞數十而饘粥弗充移師揔之清衆日增而資用豐足其爲人信向如此江南號爲江山佳麗甲於天下其巖油峻拔磅礪千里者廬阜爲最梵刹相照其間名古佛道場者山之陽則曰歸宗據雲水之都要山之西則有雲居覽泉石之幽邃皆學佛者之所輻湊統領苟非其人則去者半矣今麗正直院祖君無擇河東部憲程君師孟並著好賢樂善之名繼守南康軍祖召師臨歸宗程徙師主雲居咸率群官列名而邀之所至選擇名僧自隨爲其羽翼故學徒加衆厨廩加豐提唱宗乘言出意表啐喙之機不涉名相



或縱或奪遂至無言嗣其法而居師席處名山者不可勝數其服人心如此厥後以舟楫往來衣冠之士至星子者咸欲見之故再泣歸宗從衆頭也其在峒山時嘗自覺壽藏爲終焉之計矣後二十歲凡四徙禪席而終于歸宗乃知有才德者無意於隱顯而人自歸之名自從之觀師之出處真無求於人古之有道者也初以駙馬李公薦其名而賜紫方袍皇祐中特恩賜號妙圓大師至和元年十月二十八日示疾十一月一日齋畢辭衆端坐示寂十八日全身入塔俗壽七十七僧臘五十一既沒六年門人松思以狀

來之銘乃銘曰

彼上人者

叢林獨步

激揚宗旨

慈心廣度

言發其機

俾之自悟

人得其要

直趨覺路

橫杖而來

捨筏而去

吁嗟妙圓

人天仰慕

廣州烏龍山覺性禪院草堂記

伽藍之制寢室曰方丈十方皆然也番禺之東去郡郭十里而近有山曰烏龍院曰覺性長老僧曰法持剪髮爲頭陀題其寢曰草堂視其亦似好異者察其所爲則禪心而戒行衲中之雋也不遊聚落將十稔矣語必誠願人多信向不祈甘美而鼎饈常豐不尚



華侈而丹素無廢天道充諸已伏之必衆行敦於內  
聞之必遠曰緇曰素未有不始於脩者也或者謂無  
脩無證乃欲屏去因果混同善惡則與夫愚暗貪恚  
者何以異哉殊不知無散亂心是無思也無染著心  
是無爲也故雖智空境寂而不捨方便嚴飾佛刹納人  
於善茲所以爲衆所歸也迹之同異可略矣嘉祐八  
年正月丙寅行春至此既歸而筆之

武溪集卷第七終

武溪集卷第八

工部尚書充集賢院學士贈尚書左僕射累贈  
少師謚襄公余靖  
寺記中

江州廬山重脩崇勝禪院記

潮州開元寺重脩大殿記

韶州白雲山延壽禪院傳法記

南嶽山雲峯景德寺記

南嶽山雲峯景德寺脩佛殿記

韶州月華禪師壽塔記

廬山接賢寺浴室記



韶州曹溪寶林山南華禪寺脩法堂記

南安軍興福院慈氏觀音堂閣碑銘

潭州興化禪寺新鑄鐘記

江州廬山重脩崇勝禪院記

夫萬寓之大群動之衆佛以溥博之教淵泉之語廣  
譬善道無不入其言含生有知之類人人物物皆蘊  
佛性猶木中有火本末無覩方便鑽鑿乃見光華雖  
暗得明不從外至故無生之說以去纏縛有爲之法  
以勗因果二者並施於世隨所悟解歸之等覺佛夫  
世後持其說而化於一方者信向遠近視其緣之厚

薄云耳大江之南號爲山水奇勝廬阜又稱諸方之  
最自東晉已來高人開士蟬聯不絕山形磅礴三百  
里寶刹之有名於天下者以十數四方學心之人多  
歸焉學人之至必又能以圓頓一音之教舉其機而  
驚于衆者以登法席苟得其人則一言頓解出生死  
海刹那頃耳崇勝禪院江南李氏乾德二年所建也  
遠公蓮社絕頂相望淵明栗里高風接秀左泉漱玉  
可以滌昏煩前林蔽空可以樂閒曠真遺世觀空者  
宴息之地也景祐初又虛禪席於是州將而下僉謀  
列刹廣詢法王之器授之猊座遂得今禪祖珂師焉



寺之故居痺陋不足容四方之衆一日珂師言於衆曰吾以諸法一味離去世間染淨忻厭一切差別境界無有少法可說乃能入於如來難思智地然而一切諸善皆由信起不有莊嚴何能起信若寂然無營則陷於因任止滅之病矣衆聞是語翕然從風其堂皇殿闔廡序管庫之不如制者一皆新之築基而飭材陶土而礱石肖像設色衆工攸聚棟宇輪奐見者起恭師以善教而流其法以信而募其貨以智而役其工自丙子經營至甲申落成軒檻迴合凡三百餘楹雕琢金碧皆極研麗無有遠邇賓到如歸其徒

之至者寢於斯食於斯聞於斯思於斯覺於斯夫見宗祊而起孝視墟墓而生哀視塔廟而增信其理一也其故史官且師之同郡人故得其實而書之珂師通學敏識少厭榮進壞衣削髮而居叢林不露頭角遊廬章若干年提唱宗乘集軸禪錄七卷盛行於世時人服其該洽噫自祖法之東流六世而居曲江今珂師生曲江復以心法名於名山古言孔子之後鄒魯多儒信矣哉慶曆五年某月某日記

潮州開元寺重修大殿記

金仙氏立空有二教彌綸人天之際以三乘四果開



陳漸路其說曰一切諸善皆由信起不造業故種種  
諸法皆由戒起能攝心故六波羅蜜由布施起斷貪  
愛故百福之報由莊嚴起無憍慢故所以群生歸向  
如流濕就燥不可禦者其有最勝之理乎潮於嶺表  
爲富州開元於浮圖爲冠寺暢師於僧官爲極選又  
以金仙氏福報性學之說開導於人故其答者如響  
之應先是寺有羅漢殿者歲時浸深其楹棟壓焉是  
懼風雨何庇乃唱是事鼎而新之其募資也母喜腆  
母羞薄同焉者懷異焉者勸歸於信而後已繇是伐  
材於山埏土於陶購工於市而布規矩焉金碧之飾

雕繪之巧美梓密石厥製備焉自釋迦金人部從至  
于五百羅漢之容率飭化而像之歸於莊嚴而已矣  
又爲二樓一儲本朝累賜太宗睿烈皇帝御書真宗  
章聖皇帝及今皇帝御製一縣洪鍾而對峙之康定  
庚辰乃始基之慶曆癸未而告厥成凡寺之制完者  
飾之缺者補之墮者葺之凡五百楹爲一郡之表三  
者瞻焉既落成踰嶺渡江絕淮走輦下七千里以其狀  
來請識歲月乃書之云

韶州白雲山延壽禪院傳法記

昔者金人見夢經像始東而圖繪締構奉遺教者徧



於天下既而漢之宗祀廢於當塗魏之血食絕於典  
午西方塔廟巋然無改太維之德何其盛哉迄今千  
禩寅恭益衆由是王而侯國商關農井苟有生聚必  
爲浮圖大抵南方富於山水號爲千巖競秀萬壑爭  
流所以浮圖之居必獲奇勝之域也實性大師始來  
居之絕澗高峯恍出物外陰谷夏雪陽夏施故非  
區區林麓之所比也古者謂穹山濬澤必能興雲致  
雨以濟民望故以白雲名之觀夫高士遠迹當世非  
獨翫雲霞之容同禽魚之樂而已蓋將脫去聲利深  
入杳靄目絕塵累耳忘俗囂而後真性湛然如太虛

月旁無壅障乃克通照耳所居高深所樂曠遠者以  
此也禪那之學其來尚矣自南北分宗思讓異派雖  
達空照理共歸懸解而臨機接各稟師模言有體  
用義有縱奪互相祖習曰爲門風然而無善可求無  
惡可去直指宗令其悟入雲門之教最號真淳實  
性即雲門之嫡也實性者劉主所賜師號也名志庠  
封州人姓陳氏廣主延入府中親問法要有名傳燈  
錄庠既即世志文開堂嗣之次曰契本禪師達正次  
曰達真禪師雲端次曰妙光大師雲福皆承師嗣法  
世賜師名厥後有惠龍者鳳翔人姓趙氏今長老常



簡永嘉人姓徐氏皆什方名德之選也自實性至今  
七世矣棟宇加飭焉田疇加闢焉倉廩加入焉罷用  
加給焉徒衆加進焉遠近加信焉嗚呼今夫公侯將  
相之家不過一傳再傳或當世而絕者豈非道家所忌  
陳平所識陰謀而害人者耶至於浮圖氏託大義以  
承嗣而能世廣基構至於不朽賢於陰謀者遠矣其  
可書也遂誌其世云

南嶽雲峯山景德寺記

雲峯者南嶽五峯之一也昔大禹登祭此山得金簡  
玉字治水之要故有禹之行宮科斗古碑時有見者

遂名其溪曰禹溪梁天監二年即其行宮剏寺仍錫  
近田以資僧食以巖棲谷隱之士世所以推而重之  
者謂其輕去軒冕疎外聲利以全其高者也矧以釋  
氏之諦離蘊去著出生死海以全其性豈獨脫囂埃  
易去就而已哉自梁已降代有奇人簡文帝大寶中  
有法政禪師身長八尺布衣一食獨宿樹下虎兇圍  
繞每一入定輒經累月忽一日風雷震樹見神人具  
衣冠端笏而前曰此宜立壇度人師諾之遂奏置其  
露戒壇度僧五萬基址存焉陳有高僧惠勇脩心於  
此六十餘年群虎旦夕侍衛隋有高僧善伏習禪智



三昧通宿命亦能入定一月乃起常念幽途多苦飢渴乃呪食冥餉焉太宗朝有高僧義本博通經律子史百家無不覽者內外學徒順風庭謁至則開納深得人望無疾坐亡葬于南嶺有雙鶴悲鳴遶塔三年而去至廣順中寺主僧啓仁被訴陷法籍没在土皇朝建隆元年楚文昭王馬氏請而復之爾後甲乙承龍衣殆景德中改為禪刹命僧智吉演法領衆其事上白遂以年名賜今額焉自智吉之後曰希順智宣懷苟三世相承矣慶曆未僉議請今長老純正紹隆法帝正師成都人俗姓李天聖中遍叅知識深達心要

荐居嶽巖麗之法潤寧鄉之善果及今居雲峰凡三遷法筵皆當世名公今相國劉公資政孫公致仕貳卿劉公而下十餘公署䟽而請之所至緇徒雲集且夫無生之說用達於根本有爲之果蓋勗於精進故悲智異途而同歸濟度福慧殊報而俱出薰脩所以學心之徒聞言而得要慕教之士覩相而生恭隨其機緣示以開入絲是提唱之餘極力營葺塔廟之制華梵相參扶土而爲像度材而構厦壹用常均不侈不陋七年中爲屋三百餘間至于縣解莊有舍所至歸又五十餘間皆率感感儲不外干於檀施此又人之



難能也以孫公與某嘗同南征之後又都官黃君稟嶽  
之秀而聯郡之務故致書求記因不克讓而記其世  
次云至和二年六月日記

南嶽山雲峯景德禪寺重修佛殿記

佛者號為天人師故像飾以金屋為之殿極尊崇也  
天子五嶽維南曰衡邦之巨鎮地多勝境毓林構室  
梵剎相望據五峯之正勢而旁羅禹迹密通洞天者  
有雲峯焉晉宋之間名僧繼起隋唐而下世有其人  
迨于先朝始啓禪席相國劉公之守長沙也以莫徠  
之梗當全才之選旌麾所指巢穴皆空仁翔封畛威

軼聚落武功既成民斯安堵於是禮名士延高僧外  
脩禮法之要中談空性之本長老純正嘗前席者既  
而從蒞方鎮尹正神都入參朝政遂服公袞直亮嘉  
謀弼諧元化天下蒙福固為多矣第以湘衡舊治古  
先靈迹嶽山之下景德為最乃奏紫方袍以錫正師  
復捐俸金以崇像殿初正師之居是寺也量歲之入  
約其用而蓄其餘募良工伐備材相厥棟宇隳者完  
之故者新之越十稔其堂皇廡序庫樓寮閣鼎盛著  
幾五百楹惟茲殿制締構猶缺得相君之教而備焉  
以恭謝改元之秋而圖厥始迨明年冬乃克成之相



君之志匪以施財而徼福蓋崇乎外護也必爲之說  
蓋欲瞻像而起信匪徇乎繁飾也某幸守茲土且辱  
相君之舊及歿成純正以狀來白遂誌其歲月云嘉  
祐二年十二月日記

韶州月華禪師壽塔銘

月華山西堂琳禪師曲江都渚人姓鄧氏少學儒能  
談王霸大畧已而學佛以誦經披剝乃遊方猶以詩  
名往來江淮間博覽廣記推爲文章僧參洞山自寶  
禪師寶於江南爲禪宗叢林無出其右者見師以大  
心器之遂以心印付焉息機南還結庵於舊山之北

曰白蓮學者聞其名自遠至者無筭州以衆狀請出  
世師遁于大洞累月衆叩不已颯勉從之師既鄉邦  
之望遠邇信向廩有餘糧人有餘力棟宇時構榭甃  
日廣江山清曠甲於州域由是搢紳縉素途經江滸  
無不幟舟造室耳高論日嘉致人人自得而還四方  
衲子奔走于路達心要去爲人師者數十人晚年避  
喧退居西堂衆思其道郡以疏請復恢禪旨者三焉  
寶林山者六祖古道場也詔擇名德錫殊名命服以  
居之漕臺以師爲舉堅辭不行乃即庵自號壽藏曰  
吾當歸骨於此既而曰生平交遊之厚者安道子元



而已遂以書來云願以銘誌諒吾執僕以從官軟掌  
學殖荒落嘗評古人之言曰志意脩則驕富貴道義  
重則輕王公謂道義內充志意不屈於王公之尊富  
貴之勢不能動其心也此理誠高猶是介者之談耳  
學於大雄氏者道以性通志非外徇止觀無著空有  
俱忘生死不能汨其真况富貴乎鬼神不能窺其迹  
况王公乎師之行高乎哉不可跋已乃為銘曰  
湛然性相本無為涉于形器有時墮他年幻質  
此于歸嘗言無佛良遣有知

廬山棲賢窻見禪院石浴室記

大雄氏之為教也即空無者之謂性攝心自持之謂  
脩植因成果之說所以道迷也施財獲福之論所以  
破貪也茲道坦明各隨所證自像法東披諸華鄉風  
塔廟莊嚴徧我國土凡所經始人皆樂成者非它也  
彼既未悟於心姑欲弛貪而出迷當有導師掖而趨  
善使其然也棲賢寺新成石浴室募眾而植因也浴  
室在寺之西南隅寺在廬山之陽山在潯陽郡之左  
郡在大江之陰山川佳麗棟宇輪奐梵刹廢興則寺  
記存焉寺之始創于齊盛于唐賜名于皇朝居之者  
不以昭穆伯仲相繼自智常至澄謔皆海內有名高





原件短缺

11-12



僧統其衆故建刹啓基布金流銀日月天宮瑠璃地  
界震鮮翼張翕施相照唯茲溫浴屋老不支一之日  
澄誕言於衆曰六時讚唱當務潔齋若塵垢未除則  
七福何聚欲求精進比丘備其七物不亦善乎時則  
有浙僧希昱能湛行為上首願集其事用因緣相一  
唱而就募得緡錢二百萬鑿山築基龍石構堂仍市  
美材續成外室凡十一楹其浣濯之所蘇膏之苑罔  
不具焉自天禧庚申歲矢謀至乾興改元之初用浮  
圖舊法飯僧以讚其成壬申歲昱師會其於豫章求  
文而誌之噫佛之性也開示悟人各有所因則知墨

耗國棄實趨權亦賴諸祖以實際理地密相付囑然  
後知佛不外求見於自性造惡脩善俱同妄作所以  
遣空破有不陷邪觀者宗乘維持之力也不然者天  
下駘駘奔走有為之果何能已乎初太鑒以諸佛大  
法眼藏傳清源思思傳石頭遷如是展轉相傳至今長  
老緣師為十世矣佛教之來中國也達摩最後諸祖  
出世各分宗派而曹溪之胄最衆乃知道在乎要不  
在乎先後矣緣師興元南鄭人本府出家受具得大  
乘之要於漢東祚師遂振錫至于南嶽郡將邦伯悉  
飲其名乃於唐興南臺雲蓋三啓禪師稱為嶽中之



冠及被朝旨乃克歸紹本統而肯其基構六祖之道由是中興矣前所謂必久而隆不壹而具者有待而然也緣師狀其事請辭鑿石以圖不朽且予里閭所託故於辭爲備云康定二年十二月日記

南安軍興福院慈氏觀音堂閣碑銘

上古聖人以中道御物反於經制然後濟之以權西方之教以大權誘俗涉其津涯然後受之於道西教所以浸淫國土千載彌盛者以其權勝者也且復巧於方便起人信心其言過去未來禍福環轉顯作而冥報習異則業殊故有大人之樂諸趣之苦蓋所以

警貪癡悟顛倒也又所說諸佛菩薩世界名號咸表行而著稱見名而知證河沙筭數不能窮盡獨以慈悲願力推賢文殊普賢觀音彌勒四菩薩能入生死海中極度群有同佛智見登佛果位超然於無學之徒爲其上首觀音以甚深般若克證圓通彌勒以最初三昧故名慈氏或自在神力能施無畏使大千衆生免諸苦惱或一生補處受記成佛與百億天子同其安穩由是贊歎獲福瞻仰蒙祐聞名而不墮金剛繫念而咸生兜率著在經具流爲善談華都夷聚罔不歸向捐貨竭哀靡所慳吝雖事存視聽之表難以



實求紛起是非之端或生異論然而信心所啓不謀  
同聽先已膠固於中矣南安軍浮石院者江南李氏  
保大年中聞僧行高結庵之地也振錫雲遊樂茲竒  
勝剪荆山麓以下終焉麻麥僅充風雨終庇百年過  
隙八世相承皆卷道窟整休心息跡者耳今住持智  
應祥符年中乃結前緒以謂獨覺小善皆聲聞之果  
洪碩普濟寔如來之乘况今天下至大含生至衆十  
室之邑必有塔廟以奉薄伽之遺像一刹所建必據  
溪山以先邑落之勝處欽崇雖廣廢興在人不有莊  
嚴何以示教不有凜募誰能同心當勤攝受共令成

然遂傾私褚得錢十萬命工計費作為層構上之為  
閣下之為堂其上望慈氏菩薩擬天宮次補樓閣重  
重之體其下為觀自在菩薩肖寶陀海岸人龍隱見  
之狀皆以大悲含物萬行利生大願堅固佛所稱歎  
將舉教以勸脩俾見像而思果者矣散召檀施共樹  
福田群言響谷量力出貨堂皇門序四軒環合且是  
院也楚嶺之通衢章江之上津前瞰回波却視層阜  
脩篁叢布紛解玉立真物外之絕境也香火之緣泉  
石之樂居然兩適矣工既畢遣介齋書乞銘旌其遠  
誠乃銘曰



章江之源 楚嶺之距 粵有名藍 宇之浮石  
開榛百年 制度儵然 今得其傳 規模乃全  
廣示慈力 衆所悲仰 三十二應 觀音之像  
脫門空濶 頓海淀深 利益世間 慈氏之心  
碎容並列 遺芳克振 庶幾末者 虔恭起信  
實義難窮 權言易從 遠惡竦善 繫權之功

潭州興化禪寺新鑄鐘記

金鼓所以警衆也衆之攸居非夫疾譟大呼以  
一必以聲宏碩而遠聞者爲其節焉京洛之制脫  
置鐘餽昏曉也舍衛之法衆集撞鐘節進退也則知

鐘之爲用尚矣興化禪寺唐景福中所建其營造之  
因景物之美則寺記存焉國家承夫立極四聖繼統  
日月所照罔不丕冒民去兵火之厄將百年矣由是  
僧徒之博識雄辨者得以佛事率道其間故其金鑿  
莊嚴之像搜栴輪奐之室日完月構時興歲廣不得  
不益壯而增華也九百供器還視初制豈不狹小哉  
鍾之當易宜矣本朝銅禁尤嚴私無銖蓄僧坊道具  
官爲製而給之惟鍾之巨則許入金而賦銅焉長老  
僧紹銑以易鍾事聞州內閣劉公爲之上白朝旨從  
之迺募信士得豫章朱氏捨錢二百萬爲檀施之首



武溪集卷之二  
衆遂響從購良冶于餘杭積勞數千工用鳧氏之劑  
事皆素練以恭謝改元之明年正月三日鼓鑄於寺  
之東隅群僧讚咀以俟其成鄉坊士女捐金錢以助  
其緣自寅訖已一鼓而就越三月陞之重屋會闔郡  
僧俗食而擊之聲聞數十里真招提之壯觀也自  
鎔範及考擊之始予與群官偕往視之既嘉其工之  
巧而賞之仍鑄名于鉦銑之間紹銑又成石乞詞以  
誌歲時嘉祐二年四月日

武溪集卷第八終

武溪集卷第九

天工部尚書充集賢院學士贈尚書左僕射累贈

少師謚襄公余靖

寺記下

東京左街永興華嚴禪院記

韶州善化院記

惠州開元寺記

韶州月華山花界寺傳法住持記

韶州光運寺重脩證真照寂大師塔銘

韶州南華寺慈濟大師壽塔銘



筠州洞山普利禪院傳法記

惠州羅浮山延祥寺記

循州新脩白雲山普安寺記

袁州仰山齊長老壽塔銘

潭州太平興國寺戒壇記

東京左街永興華嚴禪院記

上都華嚴禪院者故崇儀使文州刺史岑君所創也  
岑君諱守忠早侍兩宮屢使于外欣慕禪學遂發洪  
願天聖五年布金易地于國城之東始建精舍以待  
什方遙旅明年上賜錢俾之構堂以安清衆而後架

具焉章獻皇太后崇其閑閑而鍾梵全焉后以資福院  
燒香鐘賜之

章惠皇太后益其度閣而厨庫備焉越明年賜額為

永興華嚴禪院隸于左街歲度僧二人仍令長老住

持年逾一紀三易其人而瓶孟弗駐棟宇弗完康定

元年乃請今明悟禪師主其禪席師名道隆潮州海

陽人俗姓黃氏得心印於汝州璉禪師衆推通悟迺

膺僉請輦轂之下領袖攸矚道眼既具衆心悅從來

者如歸戶外之履滿矣購募檀信日加營緝演法有

堂安像有殿紺宇宏壯寺制恢焉接物利人開益既

廣藹然德譽升聞帝聰慶曆二年上始賜重陽頌師



卽箋注進呈上覽之大悅特賜紫方袍以寵之繇是御書偈頌提綱語句動盈卷軸師悉箋而誦之聖覽益厚後三年復賜大乘頌師亦箋釋和進上愈嘉之賜號圓明大師初岑君於錢塘雕造廬舍那佛文殊普賢等像布而漆之工未半而不祿匠氏淪廢者六年師乃親請餘抗用錢三百萬命工畢其裝繪舟梳而歸師旣還闕上撫問錫賚頗復優厚累賜御頌御書金帛香藥等類詔入化城殿昇座說法咫尺天顏激揚宗要并賜筆硯令進禪頌仍賜御簪衣物飛帛書等就大相國寺西廡賜解院一區以爲朝宿之

地尋以聖藻宸翰溢於居室因構閣以藏焉示不敢輒近也因賜瑠璃瓦覆之并賜御飛帛書額曰龍奎之閣歲別度僧一名恩禮加異緇素榮之凡募緣成者由兩序而鍾臺經閣峙焉方丈之室謹宴申也看經之堂勵勤修也異其庫司慎揀請也儼其溫浴尚消潔也僧坊供具罔不輯焉其外則敞車院列儼舍資之給衆咸有規畫至和元年内出水陸畫像五百餘軸賜之迺卽西北隅剏造堂爲供設之所再蒙御飛帛書賜名洪濟之殿宣中使押左右街僧道威儀教坊鈞容班樂坊卒衛兵奉迎至院嘉祐二年特勅加



賜明悟禪師之號恩無出其右者師以為信之所起必始於莊嚴故不憚於有為也理之所通必去其攀緣當遺照而無著也乃具表辭免不入城闕于今一紀矣叢林之衆至者不下數百所度弟子百餘人賜命服摠禪衆者三十餘人於戲非岑君之崇尚佛事無以創其基非禪師之恢宏宗旨無以廣其制自國朝已來以田衣見上者趨皇闈瞻黼衣則有之矣至若對萬乘昇高坐談性相之實指佛祖之心無如禪師之比者其茂解聖作訓繼宸章間發言機直趨覺路宜乎瞻賚之頻煩也而又高謝紛華超出名相冥

心息跡歸於無事真佛法之摠持禪門之體用也可記也哉嘉祐四年十二月日記

韶州善化院記

仲尼居魯而儒學之風隆於洙泗秦皇好兵而將帥之材出於山西六祖開化曹溪而塔廟之興布於曲江蓋聖賢特出熏而炙之故歧高慕遠者與習俱盛也韶州生齒登黃籍也三萬一千戶削髮隸祠曹者三千七百名建刹為精舍者四百餘區豈非祖風宏扇人心偃順而欽崇者夥乎鄉曰豐樂里曰長容北出州治三十里而遙有院曰善化唐朝舊額也五代



兵火之後其名僅存雍熙二年始有草茅之室檀越  
列名請袁州僧皓隆主其熏修迄至道中隆師示寂  
上足紹緣尸承厥位緣師袁姓亦分宜人弱歲隨隆  
來及其卒而嗣焉初院在山椒垣墮隘自景德初  
年緣師乃經始寬平而徙其基揭舊名而署之募資  
購材斧斤不絕至天禧之末而考室凡十八年間乃  
得環合立鷗而名殿以安其像度筵而築堂以崇其  
法重樓而擊鐘以庶乎息苦連牀而會食以示其容  
衆至於度閣之司春炊之所折衷豐約罔不具焉清  
溪如帶繚繞前左長梁下亘虛亭上覆徙倚軒檻可

以優遊真塵外之嘉致也又嘗於雍熙至道間悉委  
瓶盂羨餘市東臯之田以其饘粥於戲能創其基者  
父之事也能繼其志者子之力也文王無憂於其國  
以王季為之父也臧孫有後於其家以哀伯為之子  
也浮屠氏託大義於父子而本非骨肉之愛乃能恢  
崇堂構以昭前人之光又能捐其蓄積市易田產以  
貽後世之利此其可書以垂勸也彼滔滔然趨走權  
貴之門窺伺常住以圖割削用實私橐者視師之績  
得無愧乎以某嘗帖職於修書之殿忝詞其實以示  
亡窮旣嘉之因不復讓康定元年九月日記



惠州開元寺記

自漢迄今僅千祀天下郡國之勝遊雲泉之絕境精廬居之迨且偏矣蓋名僧高士無世無之或潛光丘壑洗心閒曠山林所以棲息或應現度人隨機示化國邑之所歸仰日聯歲續人去迹存此乃鍾梵相聞不爲多矣有唐開元天子號令翔于四海每爲新制以自張大乃命祠曹州擇一最勝寺易以年名冠之俾後世知聲教之廣被也故天下寺以開元名者必基爽塏據形便祠宇最壯像設最嚴網維最親而不苛制度最古而有序惠州治城之南二里則所謂最

勝之寺也古者邑而未郡山猶林莽虎狼宅之肆害民里東漢之末有僧曰文簡掛錫棲此猛獸馴伏因爲伏虎臺云郡本百越之地漢隸南海晉爲東營郡晉武帝咸寧元年太社青氣厲天占者云東營有帝王之祥於是以惠管王佖徙封瑯琊是歲明帝始生佖即其祖中興纂紹實啓祥應於此建刹錫名龍興隋文帝削平江左南北一統因得西域舍利徧置名山俾築塔而藏之又改曰舍利道場至開元二十八年乃賜今號奉安睿宗皇帝御容至今存焉茲寺重崗複阜隱映巖谷長溪帶盤湖光相照探幽賞異一郡



之絕故累朝詔擇名藍錫以嘉號而常在其選郡廷  
精棟經論名德署爲僧職以揔領紂衣亦多其人乃  
知其名實不相浮矣咸平三年以鬱攸之災悉爲煨  
燼不有廢也其何以興於是卽其舊基沿同華巽或  
出自私楮或募於檀信凡爲棟宇若干間堂殿若干  
所扶土設色肖像而爭勤捐金弛具不謀而同力禪  
徒律學各有攸居初寺之名舍利道場也有石刻以  
誌其本末崑崗之焚字無完點及其再造四十餘年  
矣遺緇故老存亡相半陵谷之變將無紀焉以其嘗  
登東壁之府倦遊而歸僉來乞詞以爲後觀由是詢

邦誌採耆言筆之於石以備遺逸康定二年龍集辛  
巳六月日記

韶州月華山花界寺傳法住持記

人之大倫在乎三本父者生之君者治之師者教之  
父子天性至親而不易君臣同體至一而不可擇惟  
師則不然去就之分視德之輕重故無位而尊無賞  
而歸者道之所在云耳子夏之居西河康成之處北  
海傳經著錄不異洙泗豈有督之者哉金僊之教被  
于中國自漢至梁踰五百祀但以崇塔廟勤香火爲  
事耳及心法西來百年之間傳至大鑒而法斯溥矣



月華山者招提惠朗禪師演法之地也招提視大鑒  
猶曾祖父也大鑒門人高第者廬陵思衡岳讓讓傳  
大寂居江西世呼馬祖是也思傳希遷居南岳之石  
頭建中正元間方袍之學心者江衡千里道路如緘  
亦西河北海之風也石頭之入室者有大小朗招提  
爲大朗以其不出招提三十年故號招提朗焉其門  
人劉訶爲之碑甚詳云朗曲江人俗姓歐陽氏年十  
三於州鄧林寺出家二十於岳寺受戒旣而曰戒豈  
律我哉乃往龔公謁大寂得佛無知見之說遂歸于  
岳書曰探井曰之役夜與其徒發坼幽鍵石頭卽世終

喪乃去正元十一年將遊羅浮途次曲江之都渚乃  
曰茲地清氣般鬱亦足以棲神矣遂駐錫居之四方  
學者尋聲而至無虛日矣招提旣沒衆散而寺亦榛  
廢其後百餘歲當劉氏稱漢於南海也有實智禪僧  
清凜者自範金銅羅漢像十八軀進獻劉主中宗因  
得延見引問之際器識高遠劉主乃於碧玉殿備淨  
圖氏威儀俾襲升正座說法其主自處西嚮聽之仍  
俾奉羅漢像自銓勝地以圖重修乃卽招提故基置  
寺以國命賜名龕其像至今存焉實以癸亥年來至  
壬申爲亂兵所害其徒光政繼主其院三十年真宗



皇帝卽位改元之歲賜寺額曰花界四年光政因衆  
命以院讓道尋再爲什方居傳八世至今長老琳公  
景祐元年以州命而尸之自正元十一年至是歲凡  
二百四十二年自招提至琳公凡十二代以其屬自  
相傳不敢處師座者五餘則以國命州命衆命凡有  
所宗者七世焉然而學徒或來或不來所謂去就之  
分視德之輕重也琳生曲江都渚鄧姓祥符初寺爲  
外火所延一瓦無完琳公時在徒第中與知事輩戮  
力營豎旣而歎曰識心達本是謂沙門何泥於有爲  
耶乃優游江淮徧參師席初博通內外典攻詩屬文

所至推爲文章僧尋復悔曰多聞亦病耳遂諱作詞  
章洞山自寶禪師見之曰此大乘器也旣印其心又  
欲以院讓之再讓皆不受還曲江於方山結庵而居  
今所謂白蓮庵也漕使鄭公載疏名以請之再辭不  
免升座而學人四至完舊創新無物不具植茶樹果給  
衆皆餘此又餘力於有爲也因書其始末云年月日記

韶州光運寺重修證真照寂大師塔銘

世稱佛爲浮圖氏蓋卽其塔而名之釋迦在世說法  
時云有過去多寶佛塔從地踊出則知塔之名制尚  
矣所以嚴事古佛之道也佛去世後舍利之塔徧于



大千祖師西來全身之塔布在中土且夫氣聚而形  
全神散而軀壞有生之同患也佛以自在冥其心故  
湛而常寂以定力持其身故沒而不朽此其所以示  
至虛無著之性成金剛堅固之軀者歟何其千百年  
間造化寒暑不能奪而變之耶光運寺塔者奉安照  
寂大師坐亡之全身也大師柳人朱姓諱道廣真性  
等空大慈利物願力深廣存亡以之含識蒙其潤澤  
故歸仰亡替唐天寶二年禪坐而終門人瘞而異香  
滿室乃奉其全身躰覆以香泥龕而藏之建塔于寺歲  
或大旱民往誠請則獲嘉澍如遠壑之應聲也是寺

以障女建刹故名仁壽臺及大師居之世呼廣和尚  
院至唐明中刺史謝公惡其斥賢者之號遂以年名  
加之曰廣明院劉氏專制南海謚大師曰輔聖又命  
其塔曰寶元寺曰光運每歲同六祖真容並以龍舟  
迎至廣內又益其謚曰證真無寂焉開寶中王師旣  
克廣州遂遷其卒于京師不樂北遷者相率爲叛寺  
塔罹鬱攸之禍而粹容獨存厥後雖構緝遺宇力不  
足而屋之天禧初寺僧嘗欲募衆興復茲塔始基之  
而不克締構二十餘年風墮雨蠹棟幹斯壞曲江素  
號山川奇秀而復熏以南宗之風由是占形勝依邑



落而樹刹構舍為精廬者差倍他境緇衣之徒渡江  
而來不之衡廬則之曹溪故其挈瓶錫動道路探幽  
深者亦差衆諸部郡人根性好善者復以談空樂施  
為勝其緇徒之守戒行興佛事了宗乘者各以其  
氣相親今天子以寶元受冊之明年郡郭耆壽等列  
名請晉康郡僧德誠南康郡僧智潤北主營造之事  
誠潤二開士遊方十餘歲常以率道喜捨所至開信  
既允衆誠四方聞義樂出財貨唯恐在後凡為塔三  
級藻井黼帳縣柱繪梁層簷之上響以金鈴綵疏之  
外周以廡序越一歲而工畢其告成也乞詞書之予

觀大師石刻行狀云持孟所得同之一器先飼貧病  
然始自食均以精麩醃等其豐鮮又曰吾食於人得不  
同病於是感通致雨以救歲旱集是二美推之於仁  
義之途則古之博施高行君子何以尚之豈獨以佛事  
為伎乎因序而銘之不憚煩以示于後人

施無貴賤飯先貧病慈悲普濟十地齊聖仰食於人  
即同其憂言行相副千古揚休性如虛空無住無去轉  
容儼然金剛堅固黼座照日寶鐸鳴風深誠感衆開  
士之功

韶州南華寺慈濟大師壽塔銘



天下伽藍以夏臘繼承自相統率者蓋萬數焉由郡縣之令選於州鄉以領其徒者且千數其名山福地奉朝廷之命擇於叢林以闡其教者無數十焉菩提達磨心法東傳以衣為證止於大鑿故曹溪之比又加少焉今皇帝嗣統之初地奉母儀內助之慈尊釋氏西來之教詔於衡廬擇人紹隆祖席僉曰當今雄辯通識無踰雲蓋禪師者湖南按察使即以名聞詔賜命服師號以寵之俾擇名僧自佐禪師名寶緣興元人遊方至隨州參智門禪師祚投針契理得免忘言以心印心不煩機接遂為之嗣即雲門之嫡也尋

領衆居唐興南臺雲蓋皆南岳之名藍也黜空破有不涉名相臨鋒迅發直示宗乘諸方稱伏謂之禪窟故詔旨求人無敢先者駐錫茲山殆將逾紀一音演說四方流布衆中得法而去者多為人師其機緣語句門人各著序錄此不復記教門崇建規制鼎新可謂祖堂中興矣既而歎曰嘻止矣佛言世間出世間法備矣山河大地有時而盡況於人乎雖性空無著體質當有所歸愚夫以死為諱小乘以涅槃為樂皆非中道吾其自營壽藏以安時處順可乎旁鑿窰竈道上為宰堵在寺之西南二里而遙因僧惠實巖石乞



銘以誌之其銘曰

拘士煩思以身爲累達人靜觀如幻之寄花葉盛衰  
根性不隳見聞覺知豈藏於斯

筠州洞山普利禪院傳法記

近世分禪律爲二學其所居之長禪以德律以親而  
授之以德者選於衆而歸之者亦衆夫言德者非世  
所謂德也以其等空妄超漸次出死生可以爲天人  
師者耳故祖祖孫孫稱佛嗣焉筠之望山曰新豐洞  
有佛刹曰普利禪院唐咸通中悟本大師始創刹而  
居之悟本得心印於藥山儼儼得於雲巖巖巖得於

石頭遷遷得於青原思思得於曹溪能是爲六祖自  
釋迦如來二十九世而至達摩傳甲國五世而至曹  
溪又五世而至悟本凡三十九世矣及悟本之卽世  
也得法而去者道全居中山道慶居青林相繼來嗣  
之悟本又傳曹山寂寂傳道延居鹿頭及道慶卒鹿  
頭又續之鹿頭延卒其門人惠敏襲之惠敏卒嗣和  
尚自淨業來繼之李氏之稱國主也覺海國尊師啓  
大道場於金陵之報恩其嫡曰文坦被黃紙詔書賜  
號大沙門來統之雲門真禪師之上足曰清稟亦奉  
主命來後之稟卒而豫章彥聞因之及彥聞而衰矣



輒以院付其徒檀越不可乃疏請九峯守詮紹之九  
峯亦本境之名藍也移法席至是山五年復爲廬山  
捷賢所請而去詮傳曲江曉聰傳合淝自寶寶又  
傳曲江監遷繩繩興之寶師得法於黃梅聰與遷皆  
雲門之嗣孫自悟本主遷或絕或承凡十三代詮徒  
棲賢寶寶黃葉自聰已上皆終焉悟本諱佷价越州  
諸暨人姓俞氏年十二師事五洩二十一受具於嵩  
山睿律師慕南宗之學南遊江湘得雲巖而事之終其  
身畢喪而後去遇武宗之詔遂民服隱於箕州及宣  
皇御宇乃復僧儀南至高安之所豐洞邑蒙雷密

之山也見其泉石幽奇乃曰此大乘所居之地言於  
雷氏雷氏施之初山多地虎師庵居一宿地虎盡去  
至今山無虎焉留居十八年名聲四傳來學者五百  
餘衆坐談立悟虛來實去者不可勝數名聞京師天  
子賜咸通廣福寺額并一鍾焉尋以咸通十年三月  
順世光期其日期至而去徒衆環泣師瞑而復覺曰  
心無所依是真修行何有悲喜勿驚焉也復令爲齋  
七日乃具師食訖沐浴安坐歛容而化葬于山之陽  
勅謚悟本大師塔曰惠覺之塔師能攻苦率衆衣無  
絲卧無褥爐無炭室無燭故後世以簡約相承焉集



大乘經要一卷行于世中山全姓宣氏常州人以其  
嘗居雋水之中山故號中山和尚中和二年鎮南節  
度使鍾傳實召以來景福二年避寇於分寧制置戴  
尚書迎居龍安院明年坐亡於龍安歸葬寺之東青  
林震姓陳氏杭州餘杭人初謁悟本悟本曰此子向  
後走殺天下人廣初抵南鄭遇賊巢之亂駕幸梁洋  
時有中貴人姓第五者見師瞻視良久曰此是法王  
非同龍象也自漢東之青林亦鍾鎮南召之天祐元  
年滅度門人錄其語三百節爲玄機示誨集鹿頭延  
姓劉氏福州長樂人江南武義二年自鹿頭至凡三

年而示寂全身瘞于寺南賜謚洪果大師塔曰惠光  
之塔敏姓李氏蜀之華陽人從洪果來及其終而代  
焉保大六年遷化嗣姓周氏同郡高安人金陵召見  
深加信重乾德二年順寂塔于惠光之北坦姓吳氏  
建州建陽人李主以其國命命之凡四年而終稟姓  
李氏泉州仙遊人李主召入澄心堂集諸方語要凡  
十年又伴來繼坦焉彦聞以疾而問其位故衰凡三  
年而卒詮金陵人自九峯來居五年大壯其棟宇而  
新之既赴棲賢之請以首座聰囑檀那及其衆衆從  
之請於州州從之聰姓杜氏大中祥符三年實應是



命於山之東北手植松可萬株凡植一株坐誦金剛經一卷常自稱栽松比丘今號其地爲金剛嶺云聰臨終而讓寶如聰之始聰之終也遺誠於其衆無服衰經哭泣弔慰一切絕之其寺之再興也詮始緝之聰又能經緯至寶而紀綱大備焉寶姓吳氏開堂十六年未嘗出院門自江湖之南及嶺之南二十餘州聞其名者歲奉錢其數十萬以供其堂其爲人信向如此亦種杉萬株皆手自培斲同郡有黃蘗山某院唐裴丞相休之功德院也歲入豐而主者侵牟之衆食不足思有德者爲之長景祐四年自太守而下列

名請其行又俾其自擇人而付之得遷焉居黃蘗未十日四方至者僅百人蓋其道可師者邪遷姓某氏亦能守寶之規而不敢加焉其上書失職來是郡得其傳法之次叙而記之景祐五年龍集戊寅正月日記

惠州羅浮山延祥寺記

名山大川方域之鎮必藉異人以光其圖謀達才通識稠衆之表必託有爲以播其績用二美胥副今爲難羅浮山者越之望也蓬萊一峯堯波所蕩附麗於此水經之恠錄也良常諸洞吳郊之秀岫穴相通真受之秘談也曰浮屠西來蔓延中國塔廟嚴飾徧宅



形勝茲山精藍十餘而延祥之基最古梁朝有頭陀僧景泰不知何許人薙草屋之號焉朝遊南海暮宿羅浮大同中始建寺額以其峯頂二石望之如樓布金所居適在南峯之下故以南樓命之唐開元二十六年西域僧乾末多羅以鐵肖釋迦真像浮海而去番禺天寶二年中貴人何行成以祠事將命遂迎其像置山歸以珎栴入貢因得御署其門曰延祥之寺仍開明月戒壇于寺之右凡嶺之南落髮壞衣者悉受具于此武宗朝例削其籍咸通恢復而地歸中閣別揭南樓之名于山之西延祥再造苦晚故久不競

然亦不敢父子私自相傳必擇什方名德尸之以俟來學初鐵像之來也扶土以具其四體及祥符初住持僧彥課乃購金雇工易之以鐵而像始完彥課卒州以輿議請今長老雲達紹隆禪席達師桂州陽朔人幼聰悟師事同郡禿禪師既削髮即遊方至筠州洞山寶禪師付以大乘之要既而曰生本無物何有本卿悟在於心豈須戲論遂優遊南行至于海上有黃龍洞者山靈絕境人迹罕到可以逃聲名去思慮於是結茅而居期於自得而已俄而學徒推戴以登師座既尸其徒則專其憂括囊而來者居於我乎安



持盃而求者食於我乎仰於是募信心以施其財召  
匠指以利其器審高卑面平曠鑿戶牖陶瓴甃取於  
堅完不務華麗日廩歲資悉得其度康定元年達公  
自袖其狀至于曲江俾予書之歸爲福地之識明年  
予因經途詣山於其南得張鸞之碑而知其名之始  
于其側見明月之壇而知其制之古于其堂聞達師  
之問答而知其言之當乃曰道如是書之無愧詞康  
定二年六月日記

循州新脩白雲山普安寺記

大雄氏之教也國無中邊俗無同異人無耆幼士無

愚智聞其名氏率用信向非役而隨非威而濟苟有  
喝導亡不響答萬家之都十室之鄙必立塔廟以寄  
瞻仰誰其口之選在賢者稽其類拔其萃推之於衆  
無虛授焉龍川郡者漢之名部越之沃野地近魚鹽  
之饒士多江海之樂故其資奉易足而德通易勸且  
浮圖之道也俾人出貪網斷愛縛守淨默慎熏染廣  
方便重懺悔俗所以聞聲而樂從者以捨惡徑而趣  
善途也古有蘭若曰普安居于城之西隅州人之所  
崇植也天禧中遇鬱攸之災煨燼無餘惟老釋曰智  
珣相土於閑曠之野得白雲山焉掘地數尺有古石



像七十餘軀亦精廬之故墓也始鳩工而珣卽世州  
將顓衆以今住持僧德廣承其基焉鳩其屋以藏像  
猊其座以存法列甬而烹以示均擊鍾而食以來衆  
皆古之制也尺椽片瓦力所收焉茂材修幹手所植  
焉嗚呼今夫士庶百族以天性之篤血食之重鮮克  
數世恢隆丕烈者亡他術焉暱於親且浮圖氏則不  
然邑擇於邑鄉擇於鄉超登其良以紹耿光繇世而  
益昌者此其所長也廣師本郡人張姓受業於聖壽  
寺受具於南海之祖壇出繼珣師於白雲山擇其良  
也歲在闍茂抨圖踰嶺謁誌攬其實而書之云爾慶

曆六年七月八日記

袁州仰山齊長老壽塔銘

天下地有形勝境有清曠必建佛刹以爲民福蓋自  
漢明已來像教東被日崇月衍棟宇遂繁及乎心印  
密傳宗風寔盛通人間出學者雲趨所以名山奧壤  
必安清衆又常推擇人譽以崇善繼凡寺之興衰衆  
之多寡繫乎師德之厚薄耳袁州仰山者通智大師  
之法席也通智諱慧寂曹溪之裔孫瀉山之嫡嗣陸  
丞相云仰山龍縱於江西是也躡履來遊者不下千  
人於時號爲小釋迦學徒之盛諸方莫比殆今長老



智齊十五世矣齊師安州人俗姓某氏徧遊名岳得法於棲賢謁禪師於是息心居廬阜三十七歲慶曆中仰山虛坐轉運使齊公廓詢於緇素以師應選三空四病示人以要啐啄之機間不容息或縱或奪至者忘歸住山凡二十年悟而去者亦多矣乃於集雲峯下自為壽藏而種松千株且示世間之法無所染着皆如幻住死生之理無所厭苦皆如夢覺何必語言然後為學惠陽僧智清以其書及其真來且言師之行也如此因其歸以銘寄之

無得千株松下來者之式

潭州太平興國寺新建戒壇記

儒之所先曰行釋之所守曰戒行不修則五常無以立戒不持則萬法無所依故曰行與戒皆所以制惡趨善防非止過之本也西方之教尤為精嚴佛住世時祇樹園中既有立壇結界之制摩騰東至儀軌尚簡出俗之初三歸而已魏正元中始有律師上言戒法宋元嘉已後揚都乃盛甘露之名方等之義隨處建立流布漸廣嶽瀆要會南寔長沙衡湘之旁緇流剝染白四羯磨咸隸于茲不得不壯其度也舊有戒



壇在明行寺律衆所居薨宇櫛比故於肘量微爲隘  
焉城中寶刹曰太平興國者占上勝福德之地有山  
居閑寂之趣興化長老紹銑叢林之選四方響信所  
獨響臻安撫王公俾其新之由是商榷律儀講求教  
旨宇量旣廣壇塔皆成得五印經始之規有四天擁  
衛之相俾夫受圓具者登降之際知此戒體衆善所  
生七證嚴肅三業清淨於戲惟善知識常利世間而  
作種種饒益不輕末學而示以威儀不佳無爲而長  
於誘諭非名譽利養之徒所能及也旣而俾蜀僧齊  
芻齋書巧詞嘉其勤修行頓增長成就一切佛事無

有休息可記也矣故書其年月焉





原件短缺

1-2



翰弼之職徧歷內外之任頃以寇戎倍戢關隴宿兵  
遂由喉舌之官付以節旄之寵諒憂職而成疾遽乞  
身而願還是用改以方州遷其舊秩今覽來奏言其  
有瘳更思竹帛之功請就邊防之寄朕方四隅罷役  
二虜講和顧彼墻隍無煩舊老嘉其志尚推以恩榮  
以其掌預機衡乃遷此職當體予意往哉惟休可

翰林學士禮部郎中宋祁可吏部郎中

勅朕慎東後德延登近署典司命令侍從帷幄所以  
宣邦國之大謀訪古今之高議所懷忠實率多規補  
宜增秩序以寵材傑具官某通識照遠人之儀表懿



文高世學者宗師而自雍容朝闈領袖儒館奉常樂  
志東觀史編執簡撰述厥勤茂焉內閣以對右省更  
直咸推望實益見材美登王室之著勸金華之講每  
觀通博之論愈知遠大之期集課遷官固有常制羽  
儀之用朕所望焉武修厥猷往服休命可  
鹽鐵副使吏部員外郎魚周詢可天章閣  
待制知成德軍  
勅中山近胡常山爲之脅齒國之屏翰此爲衝衛必  
擇全才以兼文武之任具官某體識沉厚謀慮精深  
身冠彈非則權豪共懼牙籌佐計則財用皆豐言無

瑕玷動必詳練故宜延登內閣之班出領列城之寄  
爾其外修民務內寓軍令召南之風方叔之任其兼  
之矣往哉汝諧可

兵部郎中李宗詠可鹽鐵副使

勅司會之府匪才不居任人之方求舊惟允具官某  
深識夷曠雅性通和簪白筆而立朝登輅車而問俗  
咸著美績間于周行嘗佐邦計實遷歲律三壤成賦  
九政均財備見其勤克謹于職遷 吏故出領方州  
事資練習是用俾其臺復書不云乎三折肱知爲良  
醫汝其往哉可



左衛上將軍致仕楊崇勳可太子太保致仕

勅朕嗣守洪業責成輔佐故於勞舊之臣恩意至厚具官某頃事先帝逮予冲人入當機務之煩出領鼓鼙之任頃緣子累罷其虜符雖在退休之年授以環列之秩示從薄罰以肅羣臣今以燔燎禮成麥蕭澤廣尚授印之重俾登儲傳之榮不次之恩汝其自省可

郢州防禦使魏昭炳可復觀察使

勅朕丕承帝圖寅念祀事禋嘗宗廟柴燎紫壇還御

端闈發大號曠蕩所及滯淹必振具官某器度宏遠體識和雅謙恭自牧庸敏可嘉生於勲德之門不習綺紈之氣早登臚仕嘗委廉車當折衝禦侮之任有辭難卽易之請俾從降秩用勵臨戎就第而來閉閣知懼宜蒙茂渥再渙前榮勉思竹帛之勤以酬雷雨之澤

秘書丞集賢校理孫錫殿中丞秘閣校理晁仲衍並可太常博士

勅某等國家開圖書見之府應奎壁之像所以游英俊而待材用也居是職者官無定員結課進秩固有常



制錫富文博學懷溫厚之風仲衍名家令器者秀翹  
之望並列館閣能自修飭奉常清要禮樂是司書筭  
叙遷往眼休命可

權府推祕書丞祕閣校理楊孜可太常博  
士

勅某國家分職事以待材俊苟稱其任必躡等而進  
之其官之本職則參用古制三歲一視其庸而改其  
秩以爾文思豪健識慮周敏參道山英俊之選贊天  
府浩穰之治煩而試之悉著成效奉常之屬實典邦  
禮清途所漸勿忘祗欽可

殿中丞曹穎叔等轉官

勅某等國家執八柄以馭羣吏董之以事任辨之以  
名品善則賞之以勸能者爾等悉以俊器久登王官  
知朝廷愛民之體得循良御事之要佐職專任咸著  
能聲容臺尚局各遷華秩用示襄進往服嘉會可

右正言祕閣校理孫甫可右司諫知

勅朕稽式治道渴聞讜言必求端直之士以居諫諍  
之列庶補闕漏期於無過然而臣子之節忠孝為本  
厥有誠請難於重違具官某學通古今識照治亂智  
度純粹議論詳正文該史野行周忠信早預書林之



選屬講容臺之儀知其懿實延登左右有犯無隱朕甚嘉之今以下附先塋願守使郡朕不欲奪人之恩以自助是用增秩本省分任要藩夫偃息而愛民與夫從容而納忠其道一也汝其勗之可

刑部郎中張鑄殿中侍御史劉湜並可三

司鹽鐵判官

勅某等昔者管仲以鹽筴而強諸侯建元置鐵官而佐常賦其來尚矣因山海之利足邦家之用必資幹吏以贊計籌以爾鑄器度沉厚當官有清勤之節湜才具通敏立朝有譽正之風臨民而簡易不苛參畫

而浩穰稱最並登司會之府庸謂擇材之選勉勵而守以荷休命可

內敕承制知夔州陳宗古可供備庫副使

勅國家列郡國之官分軍民之政惟是亭障徼道用武之地必擇材勇兼領戎戍具官其資性果銳名稱著聞任以方州用觀器畧巴瓊舊壤蠻獠雜居委之緩寧必選其材著于故事必進其秩援此成例予以推恩爾其安民撫夷以肅邊事無墜茲寵

前宿州臨潁縣令曹起可特授單州長史

勅某書曰宥過無大刑故無小蓋用法之意期于大



中越有附輕之科宜啓自新之路以爾頃在官守抵  
于刑書遽自隱藏遂以名捕近者按舉之吏頗爲辯  
明如其本原特示矜恤處之散秩俾其自思無怠省  
循以荷昭洗可

光祿寺丞簽署并州軍士判官柳澥可著

作佐郎

勅某吾自邊陲宿兵以來思得高材強識共圖軍事  
故於帥府之所慰薦率愈其請冀用人之路廣而謀  
國之事精矣以爾詞章秀異識畧廣敏總者樞臣宣  
命于海之東其稱幹能數人而已爾在其選固已可

嘉今著迹效所宜甄獎吾有甚焉唯待異才自勗圖  
功之心庶成舉類之美

都官員外郎知宿州李明允等二十四人

勅某國家設四善二十七最之令以辨羣吏之治自  
九品已上京官釐務于外者率三歲一結其治狀有  
司以聞而登進之示天下之不公也爾等策名仕籍  
咸著吏能或領牧守以宣王風或分縣邑以勤民事  
贊實畫焉國用者亡不成績更今以爾狀上其勞當  
遷推恩報勞勿忘祗荷

濠州鍾離令李璽司中舍致仕



勅其七十而還政於君傳事於子古之制也其能引  
止足之分而從退逸之樂者必優其秩而遷之爾久  
服官政今請老于家而追古人之風吾甚尚之

安保衡可大理寺丞知縣

勅其朕常思靜退守正有行之人而用之以激浮薄  
今樞臣將命撫視邊徼而言爾往辭主官歸視父疾  
內行可尚兼有幹材大臣差助吾意則靜退之士不  
能遠矣其善撫吾民無誤而知可

殿中丞士建中可依前官

勅其等古者人臣有喪三年不呼其門所以伸其恩

也爾等纏風樹之悲有藥棘之慕歲月其逝法當還  
臺賢者不敢過不肖者不敢不及國之典也往踐茲

命可

太子中舍王致用等六人轉官

勅其等國家命官以古名蒞事用今制寺省之職率  
不釐本曹之務而分仕內外以視其成爾等各以器  
能出領事任或布慈和之政或稱幹濟之才考于有  
司悉應最令升榮朝級進秩春坊咸為叙遷恭服休  
命

供奉官張秉王祖禮並授內殿崇班



勅國家承平日久而兵不習戰人不習勇自西羌犯邊歲用戈甲固常購募果敢訪詢智謀思得竒俊惟恐逸漏徧詔近列各舉所知今其應令以爾爲薦更詢績狀頗見勤勞即登諸朝以示優寵爾其撫而士卒練而師徒毋貪功翫寇善修戎政無忝爾榮可

陳州觀察支使聶開可著作佐郎

勅某國家體貌大臣作鎮近輔賢其賓佐薦聞于朝詢之天官則稱其才者多矣即其幕中授以清秩所以示吾寵待故老之意又欲其婉畫誠有所裨可

大理寺丞知陝府芮城縣李昭逢可右贊

善大夫

勅某國家自西鄙屯師關中之邑頗當餉道思得賢令長以均其力役受詔者以爾名聞從其薦延付以百里今著最狀能字吾民序進東朝用示褒寵可

前濟州錄事參軍監汾州永利西監武肅

可大理寺丞

勅某國家設鹽鐵之官所以籠地財而佐國用克舉其職則寵嘉之蓋旌其能非專於利以爾辦事之力體吾愛民之心則無忝矣可

武安軍節度推官監延州入中倉馮經可



秘書丞

勅其國家自西羌旅拒已來所頒爵賞嘗在繩墨之外雖所以收積俊乂蓋亦優禮帥臣爾自掌邊度能足軍食帥臣慰薦稱爾之才故不還天官之選即加仙省之秩越次之寵無怠前勞可

司勳郎中知洪州下咸可衛尉少卿

人轉官同詞

勅某等漢制郡守諸侯相考理迹之尤異者就增其秩不易其任國家分命庶尹釐職于外必集其課而黜陟焉古之制也爾等悉以材敏聞于朝廷班宣詔

條省察風俗能著治狀合於功令故嘉其最而寵之官卿寺郎曹金閨之籍遽加名服無怠恪勤可

秘書丞邠州通判王穆可太常博士

勅某等國家以三載黜陟八柄予奪總攝羣吏撫寧

庶民克著善狀則用嘉寵爾等或詞藻敏贍或學術

通博題輿而贊郡條操刀而專邑治莅事賦政人得

平一集其歲課率應遷格爾其丹貪名譽以希進丹

畏高明而弛令吾不吝爵賞以待俊乂撫我赤子予

而懋官其勉之哉可

禮賓副使張岳父義政可太子清道率府



率致仕

勅國家因邊鄙之從耳寵戰守之勞嘉其事君之忠式  
懋及親之寵某官張岳父義政勇敢之氣老而益壯頃  
歲西賊軼我障塞能率宗黨共登城陴身被金瘡口  
不言伐今以弼臣之請予舍之賢因其掛冠之年寵  
以垂綬之秩噫予非私于而家蓋欲壇場之人知圖  
功報國之榮也可

張岳母竇氏封縣君

勅人之至親莫甚於母子至行莫重於孝愛緣情推  
寵所以勸勞張岳母竇氏母教以嚴家庭有肅早勤

不稟何以事君徒結戀於天倫宜推誠於國體忠伯  
之忌出境尚極節而避之屬商之仇入朝難枕戈而  
殺也必資大順無或固違史斷之言既得之矣子夏  
之問不其然乎式遵事主之宜突取向私之節

丙建議以為使吏任子象率皆驕驁不達  
古今宜明選求賢除任子之令難者曰諸  
侯世以象實仕者世祿以地賞古之道

任子有經維也才而用寧廢賞正事當協於  
大中理難從於丙嘉謹自許橫議幸陳謂公族



之非良味幸德舉論吏能之必審當以言揚恐膏梁  
之易驕驕而無取未臻洽本將昧邦經苟天爵  
之自修修德而何害辭克由禮誠多侈汰之虞無  
忝所生亦有恪恭之者故景升之室純大貽羞安石  
之庭甚簡權太儻公盡棄無乃深文在乎糾以序序  
之廉謹其詩禮之教勵官箴而無德者雖經而勸善  
叔向能施之禍罰而不私蘇秦在石之材用而無廢  
必若器業之可採豈以門地而見遺周著象賢之規  
漢希推恩之典自存姬旦之法案陰居王吉之言勿棄  
未對式符刈楚

更益封君之號可

著作佐郎葉綱可祕書丞

勅某國家考課之令著于常典賞善罰否吾無所私  
爾文學起家慰薦遷秩求之以備不能無瑕俾增年勞  
蓋示國法命之叙進猶踐前言書云令出惟行不惟  
反此之謂也爾其恪勤無怠荷茲寵榮可

內殿承制劉懷懿可供備庫副使

勅國家稽式舊制叙進羣官有勞必錄無善不顯爾  
久登仕路列于朝班莅事精勤老而益壯考其理最  
升造使聯賞在必行無忘祗荷可



又自副使改右衛將軍致仕

勅朕少而用其才老必賦其祿又遷其秩叙以優其  
退閑其官其忠而能勤老且不懈邦國之奏績狀可  
稱嘉其止足上還印綬俾從內司之重特升環衛之  
職勉荷恩寵以遂休寧可

西東供奉官閣門祗候知順安軍焦宗慶  
可內殿崇班

勅某國家制壇守守亭障欲其將卒偕練號令必行  
上下相親動作相信詳擇材武以久其官以爾嘗領  
郡符徙治軍壘習知備胡之術克勤御下之體大臣

保任稱之為能是用遷內朝之名品示邊城之委寄  
爾其謹烽候完器備無貪功以生事無玩寇而輕守  
勉思樹立以荷寵榮可

大理寺丞陸經可責授袁州別駕

勅某國家制刑之中率又于下俾其畏忌以自祗飭  
爾以詞學見稱列在臺閣不能淑慎賄交于民白簡  
奏彈覆驗明著宜從左適以示常刑可

刑部員外郎集賢校理薛紳駕部員外郎  
王正已太常博士蔣安石殿中丞杜術闡  
革等轉官



勅某等國家設耳目之官按舉吏職分牧守之任宣  
導王風至於佐治一圻專董百里皆擇材士俟其成  
績而寵嘉之以爾紳等器度和雅望實休懿咸以臺  
省美秩出總庶務或埋輪而清列郡或分虎而守名  
邦或題輿而著善聲或馴雉而彰異政集其歲課進  
以官聯予不吝於恩榮宜各思於報效可

奏舉人前常州司理參軍馬寔可著作佐

郎

勅某國家嚴資考之格廣薦進之路察於衆好冀獲  
超楚以爾久服官政勤蓋自訪庶獄審克郡無冤民

章聞于廷宜用升進罔怠所守以荷成命可

三班奉職王良臣可南京柘城縣尉

勅某丞尉之官其品雖卑而差用清流朱紫可別故  
儒素之士得之爲榮爾本名家而補右職心苟不樂  
何能安人改佐百里茲爲茂寵其謹奉家法無忝休  
命可

奏舉人前夔州錄事參軍辛終吉可著作

佐郎

勅某國家分命天官專領選事外諸侯之舉尤異者  
必視其績狀而考進之朕親覽焉以加獎擢惟爾文



辭登第廉謹宿官州縣勤勞備嘗之矣宜升清秩庸  
勸吏能夫少而有志者老當益壯汝其勉之以蹈榮  
路可

著作佐郎何涉可祕書丞

勅某西賊傲擾自悔禍延安帥府能稱朝命以通其  
意而卒來講和羌夷柔順邊鄙寧息爾之周才實參  
戎事帥臣稱薦深所嘉尚苟得尤異而遷之不必累  
其歲月求賢若渴朕甚慕焉宜堅爾誠以服榮命可  
廣南西路提點刑獄虞部郎中李永德可

金部郎中

勅某夫天下獄訟多矣專付郡縣之吏則恐鬱滯而  
不伸盡俟朝廷之報又慮填委而為累必擇明察摠  
其綱領以爾嘗守一郡而寬猛得要俾察庶獄而按  
視必精果當厥職而民無怨讟結其成課升之左曹  
勉荷恩榮以副欽恤之意可

禮賓副使權環慶路黔轄張建侯可洛苑

副使

勅某頃以策畧中缺號為材武故自關隴宿兵已來  
常使參之自偏裨升副貳摠專達悉由試可而上下  
一言謂之稱職今通遠缺守擇而委焉夫命郡守以



臨民遣將臣而治軍分文武之任為戰守之補矧惟  
鳴沙極邊與羌戎接壤兼而付之固不輕矣升其使  
聯用未優寵可

奏舉人前昭信軍節度推官孫億可大理  
寺丞

勅某國家自一命而上集于天官得資詳考歷以例  
進必取薦延多者授之京秩爾以藝文來仕選升賓席  
必有嘉畫贊其善政露章稱導良用旌之勉守初節  
以荷榮命可

亳州司馬崇正可供備庫使

勅某頃授任符兼臨劇部寇戎在境烽候不明帥府  
編造秩官議辟降從散秩用示深慈屬元祀告成萬  
物更始宜推曠蕩以恤滯淹特改使聯勉荷皇澤可



武溪集卷第十一

工部尚書充集賢院學士贈尚書左僕射累贈少師謚襄公余靖

制誥下

樞密副使諫議大夫河北宣撫使富弼  
可加正奉大夫輕車都尉仍賜推忠佐  
理功臣

勅朕昭事天地嚴配祖宗用祈洪休大庇黔首思與  
一二輔佐同茲戩穀故疏霈寵渥冠於群倫具官某  
文窮變貫學通古今論議忠正有濟世之才謀猷高



遠有經國之用不辭患難而夷險一心累避榮寵而  
退靜自守繇是擢登宥密翊贊機衡咨綏遠附邇之  
能致同文同軌之治朕方親執玉幣恭修燎燔而卿  
以撫循邊士不在侍祠之列朕甚思之所宜賜以凌  
煙之號進以執珪之秩疇其茂勲昭示異數忠之至  
者寵必厚汝其欽哉可

端明殿學士兼侍讀學士給事中李淑可

加上護軍實封貳伯戶

勅國家陽郊報本宗祐致嚴舉一歲之明禋受百神  
之介福式均茂如邇臣某望著人表才稱國器

傳通今古

之術洞照天人精稜之源趨軒陞而

持橐早居清近侍帷幄而執經率多規益乃樂中和  
之職厭直承明之廬出班詔條專領方面禮成敷佑  
罔有外內崇其秩叙進其勲爵式表休命汝惟欽哉可

諫議大夫御史中丞王拱辰加勲

勅朕親執珪幣以事上帝升配祖考皆由舊章假爾  
近臣相我元祀茂布玉澤用均神休其材智少雙器  
識兼遠首中藝爰之選鬱爲邦國之華頃在禁林而能  
潤色鴻業嘗領京劇所以表則四方顧訪早知其國  
器糾正用委於邦直會朝之次古稱獨坐之雄耳目  
所寄今爲中司之重咨栢臺之偉望贊觚壇之緝禮



百神受職萬國歡心式布受釐之渥以表同寅之寵

皇親率府已下

勅朕承七廟之鴻業荷二儀之並貺肇禋吉土對越明靈積式盛容誕布純佑休寵所被宗枝寔先某等孝友立身信厚成性並承詩禮之訓自敷名教之樂青宮列衛式表茂親朱紱侍祠宜頒異數既廣美蕭之澤用昭葛藟之恩公族之榮聿加勲賜

殿前都使已下

勅朕贊鬯世室升煙泰壇修親祠之儀遵陟配之典恭承貺施大報靈祇思與帥臣均茲茂祉某等久服戎事早登勇爵遙董親軍外固吾圉自西羌倍惠數歲

不庭雖戍兵未得脫甲而胡人不敢近塞際爾善守倚如長城在禋祀之辰當封疆之寄蓋重爪牙之託式加名服之重

省副魚周詢等並加大夫階勲省詞

勅國家肅若舊典稱秩元祀吉土拜貺高煙達誠爰均敷錫之祥不為專饗之美其等器識開敏資性端方咸稱劇才佐我邦計經入有度展富國之謀均節有常得足用之要唯匪頒之至廣皆贊成而知素宜崇勲賜用寵勞能

上將軍致仕楊崇勲加食邑七百戶實封



三百戶

勅國家接千歲之統逆三神之釐禱燎薦信郊丘成  
禮式均茂渥無忘老臣其速事先朝休有令望積勤  
勞而奉上歷中外而成績重率侍衛則忠謹足稱翊  
亮樞機則良實可任亦嘗出領方面付以節旄用威  
戎夷咸所倚賴早敦知止之分久從還政之樂明禋  
斯畢大賚有加方念安車之寵宜益爰田之賦

大將軍防禦使蔡興已下至遙郡刺史等

並加食邑三百戶

勅國家接千歲之統逆三神之釐禩燎薦信郊丘成

禮式均茂渥 逮爪牙其材武風成忠果可任少分  
戎政則申嚴而有聞晚登環列則勤勞而不懈方資  
拱極之重仍展陪祠之恪圖叙勞舊用疏恩寵

廂都指揮使已下

勅朕膺天地之既荷宗廟之靈聿修至誠式舉元祀  
均此介福及於具寮其等咸以武功統我二祿出授  
封疆之寄入居宿衛之勤備彰智勇之資以當親信  
之任宜膺寵渥勿怠肅祗

省府推判官

勅朕親享太室以展孝思對越上靈以嚴祠事天地



並貶福祿攸同駿奔于庭宜均寵渥某等緝紳令望  
臺省俊遊或同經度之謀或副浩穰之政贊祿將而  
在列侍柴燎而克勤錫以轉勲欽茲成命可

諸司副使已下至崇班

勅朕裸鬯世室柴燎泰壇薦繼孝之誠嚴報本之祀  
馨香上達明靈降鑒樂與從臣同此介福某等衆推  
美望籍著內朝或趨軒陛而服勞或居屏翰而分寄  
駿奔在列固夙夜之可嘉恪勤居外亦爪牙之所託  
咸進爵邑用示恩榮可

贈太尉允寧女趙氏封縣君

勅朕親享太室嘉薦園壇上以承七廟之靈外以受  
百神之職均此景福被于綿區矧惟宗枝宜豐優渥  
某人女某等肅雍成性柔懿著聞頃緣棠棣之愛聿  
蒙脂澤之寵顯敬奉祀式耀華宗湯沐改封當殊異  
姓宜體篤親之意無忘令族之恩可

右正言孫甫等加恩

勅朕尊事上穹并侑列聖誠意蠲潔明靈顧享翁受  
福祉被于區域具官某等識理閑遠器量方正咸自  
衆多之選綴于侍從之列或張旌而使絕域以修隣  
歡或分虎而守鄉邦以便親養或以節促召而脂車



在途雖阻侍祠之肅豈忘均整之典悉加勲賜以表  
予懷欵荷恩榮更勵而節可

美人張氏父堯封贈祕書監可贈工部尚  
書

勅朕舉修元祀祗薦至誠裸獻宗祊柴望泰時祖考  
顧享氣象休嘉欵荷純禧均布繇宇外惟百辟內則  
九嬪悉推恩寵逮于存沒某人父某素履淳厚清節  
浚明深蘊美才不登顯仕是生令淑入侍宮闈常自  
抑畏慎守謙約退讓名品章明柔順嘉其遺德故用  
追襲俾由祕府之華驟陟文昌之峻式頒明命用賈

幽阡可

興平郡主等

勅敦叙九族糾合同姓皆詩書所傳政教之本矧標  
燎之成禮宜葛藟而伸恩興平郡主趙氏等雅性幽  
閑淑懷信厚卓被公宮之教既兼侯國之封顧柔良  
之有聞惟肅雍而成則易之美地庶耀靈源

百官父在者

勅人之至行篤於天性國家之教常必先之父之貴  
重則賞延於子子之通顯則尊及於父蓋所以敦三綱  
而親萬國也其父某賢業自守家聲必聞詩言禮立克



謹厥訓聿傳弓冶之嗣服在簪紳之列朕方稱秩元  
祀懷柔百神均此介福被于率土嘉其忠教綏以寵  
章式昭肯構之賢以慶高門之祚可

母在者

勅古之賦祿貴於逮親雖居晉楚之富靡及雞豚之  
養矧惟白華潔膳赤弗侍祠西離承命北堂拜賜國  
之善教吾其捨諸某官母某氏德劭嬪風義高壺則  
克懋慈闈之訓聿生閨籍之賢屬柴燎以嚴儀被蓼  
蕭而洒澤庸錫丹軒之命以彰高閔之祉可

父亡者

勅父子天性其親一也朕躬執珪幣升侑祖宗蓋所  
以報本崇祀奉先追孝簪組在列亦念其親宜推渙  
恩上及先正某亡父某高節善行束修其身遺德餘  
懿垂烈于後喜肯堂之令嗣霽漏泉之茂渥密章爲  
音壤樹之光可

母亡者

勅朕贊鬯世室欽柴泰壇合享天地升配祖考備物  
牲幣所以展奉先之誠疏恩存沒所以廣顯親之孝  
某亡母某氏言容著範禮訓傳家沼沚宣勤珮環有  
節果生王國之彥久服朝宗之寵宜因組綰之榮用



追湯沐之賜可

百官妻

勅太家道正而天下治蓋國風之始人倫之大皆本于夫婦也朕潔誠忘祀奉先追孝外修牲幣之薦內有粢盛之助翕受百祿敷錫四方樂與羣倫恩被伉儷其妻其氏柔明著美淑茂流聲居無出閫之言動有鳴環之節作嬪良士服我周行宜開石室之封以寵金闈之籍俾其齊家輔國有所先後則庶幾乎治矣

王相公贈官

勅朕躬執珪幣升侑祖宗蓋所以報本崇祀奉先追孝簪組在列亦念其親宜推茂恩上及先正其父某邦國元老經綸燉材毗贊冲人燮調至化內修百慶外撫四夷豐功格天遺愛在物厥有善繼齒于朝奉用疏泉壤之澤追錫天臺之寵密章爲賁幽夢之寤可

工部侍郎參知政事陳執中三代曾祖高

贈太子太傅宜特贈太傅

勅國家疏爵而尊賢稱情而制禮其德懋者其位顯其任重者其數優體貌之臣式余柄用褒賁之禮宜



及曾闢其官曾祖某令均王浚明雅懷冲曠含章不伐  
積善有開貽厥孫謀弼我朝政錄其先範式佇遠猷  
俾從儲宋之榮超居帝傳之重下光泉戶庸顯世勞  
可

曾祖母黃氏贈郢國太夫人

勅國家并用輔臣襲崇先正所以展子孫之志示朝  
廷之光昭起國封用賁增則某官曾祖母黃氏徽柔  
植性淑懿流聲服圖史以增華布言容而成訓綽著  
可嘉之美果膺有後之必口贊名鼎之崇上恢祖閱錫  
山河之賦式耀泉扁

曾祖母黃氏追封德陽郡太夫人  
勅朕圖任舊臣共政期致于治追賚及於三世以旌  
其遺懿餘烈之有紹也某官曾祖母某氏作嬪茂族  
柔明著聞閭閻之則人以爲訓福不在其身而在其  
後厥有俊傑用勵翼于皇家欲其輔朕以紹文考之  
耿光故顯其祖之配而啓之國逝者其鑒茲可

祖光嗣太傅遷太師

勅夫德之所積其流必廣善之所鍾其後必大故摛  
其流者知其源用其後者顯其祖此國家訓入之道  
臣手興宗之美也某官祖某五代之季養志丘樊榮



利內恬羽儀外戢位不克於當世福乃流於後昆子  
舍稱賢先朝倚之爲棟幹孫謀襲美冲人用之爲股  
肱頃貳樞庭已彰懋績參持國柄再佇明謨爰念世  
勞用推祖闕大門之懿奕葉可稱俾繇帝傳之崇式  
進師臣之秩漏泉垂澤率備徽章可

祖母孫氏贈安國太夫人

勅慎簡賢佐上所以緝寧邦家追崇祖室下所以申  
順情禮家聲克劭閫則攸先某官祖母某氏柔嘉秉  
德幽閑成性珩璜中節蘋藻敷風克垂燕翼之謨篤  
生弼諧之哲福既宜其家室澤宜滲於泉壤誕啓土

守用貴松楸可

父恕太師中書令尚書令榮國公改封許

國公

勅昔鄭武公父子並爲周司徒天子有衮服之賜詩  
人著緇衣之詠蓋預執國柄號爲世官古難其人今  
得良佐美其子而追襲其父亦古之制也某官某亮  
節致君周才應物事我烈祖懋爲名卿總邦計而經  
入有章贊宰司而裁成無外粵有令器克紹先基吾  
欲使天下知才臣之子復參大政故以節召還而共  
邦事嘉其善木之志用霈流根之澤可



母李氏贈崇國太夫人

勅國家之制同體莫重於股肱人子之心揚名以顯其父母朕所倚注義有褒崇其官母某氏生自德門嬪于邦彥淑靈著詠宜家室而浸昌聖善流稱穆闈闈而有翼我有良輔爾之令人式昭駿淑之賢本自斷機之教加之象服用飾幽泉可

母王氏贈鄂國太夫人

勅夫能擇其臣者君之明能顯其親者子之孝摠是二美朕所冀焉某官母某氏節茂采蘋德昭流芬夙彰婦順克振閨風是生俊良爲予輔弼爰洒漏泉之

澤用表宜家之賢寵以副并光于幽泉可

皇后曾祖太師尚書令兼中書令追封魯國公曹美可追封國公

勅朕接千歲之統逆三神之釐致孝克享曾誠昭薦馨香上達明靈降鑒渙發大號被于四方荷祖宗之休成吉蠲之禮采盛之潔實惟內助欽其遺懿宜示追褒皇后曾祖某稟常山之英負全趙之勁雖羽儀未展而堂構聿隆篤生元勳事予藝祖豐功在物茂德庇人肆惟眇躬得是天合嘗極人臣之贈用昭肺腑之榮更徙大國之封以爲中宮之寵可



曾祖母追封陳國太夫人張氏可國太夫

勅朕合祭天地并配祖宗四海來助百神咸秩翕受  
介祉敷錫庶邦重念夫源之深者其流必長德之積  
者所馮必厚朕既恭執鬯瓚上奉七世而中宮敵體  
以母天下肆其褒贈之典宜及曾闈俾其三廟異室  
同榮合配茲惟享國之樂行古之道也某氏毓德貴  
門作嬪令族能謹卜隣之教以成興宗之福俛天作  
令實荷遺懿滲泉流澤庸均茂溥從封湯沐岳禋泉  
途可

父贈開府儀同三司太師兼中書令曹玘

勅朕承七廟之重守億年之基奉順先猷欽舉元祀  
裸獻宗柝禋燎園壇三神垂禧百禮咸秩大均霽澤  
被于綿區矧惟中宮之尊內治所主固宜同茲介福  
光于外宗思美周姜之儀庸表塗山之盛皇后父某  
積德至尊令章特立生自元勳之門專於儒者之行  
摘光令族坦夷曠之懷握蘭華省抗令終之節雖當  
世不顯而流福無窮俛天發祥嬪虞作合奉祖宗之  
祀共聲純誠荷天地之休實繫遺烈式崇褒賚用全



儀刑俾自龍池之榮更茂天臺之秩庶光壤樹式耀  
桂宮可

母贈吳國太夫人馮氏可國太夫人  
勅朕贊幣清廟欽柴泰壇精誠備至神明昭格而又  
恭發謚冊追奉闕宮上遵建隆之典聿同章聖之懿  
孝思克展祠事有嚴還御端闈煥發大號受天百祿  
敷佑四方眷言內助同茲茂祉等其立愛之念頒此  
顯親之榮某氏積善有開含華不耀自守珩璜之節  
克謹蓍蕈之訓來鎮之職遺範於華宗夢育之祥有  
歸於禁掖爰布漏泉之澤用展結禱之思式加象服

三從之善勛成諸子之材宜疇湯沐之封以示闔門  
之訓可

西京左藏庫副使桑宗望可文思副使差  
充河北沿邊安撫都監

勅具官某國家以北平拒馬為塞積有年矣胡人通  
歡輟車不絕于道武事之備未嘗一日解之故擇知  
兵謀既時務者置使以統于堡障之佐以同其規畫  
以爾將家之子膽畧過人屢經煩使頗聞勤善是庸  
遷之職秩往護塞垣爾其撫士卒謹康候無起邊虞  
以副朝命可



奏舉人前韶州樂昌縣令賈天冲可大理寺丞

勅其國家視民無遠近之異必擇慈惠明察之長以撫安之爾字吾民于服縗之外而能平獄寄恤時務百里安堵有聞于朝宜其京署俾漸榮路其無怠前志以服休命可

樂壽縣主可進封郡主

勅九族以和國家之懿二姓之好典冊攸重宜推茂恩以相嘉禮其柔閑自立淑懿有成既在及笄之年將從鳴鳳之兆蘋蘩修潔宜為婦順之光湯沐升榮

上達明靈降休式敷純嘏浹于區域恩被于遠當由近始澤浸于外必自內均某祖某以廊廟之才逢風雲之會功在尋鼎位登台衡厥有令孫備職先朝坐論婦禮有光彤管因此視卿之秩嘗啓真王之封宜兼雞樹之榮更耀密章之賜可

祖母追封秦國太夫人田氏

勅朕純孝以奉于先廟精意以事于圓穹裸獻必虔燔燎惟謹而天地並貺神靈降休致函夏之大寧荷文考之成烈羣后追同於謚號貴嬪當優其情禮褒賁祖妣舊有典章其以早流淑聲作合元宰陰德至賡



後嗣其昌肆惟宮闈得彼恭懿彤管之職爲式掖廷  
副笄之榮宜均逝者可

父繼宗贈兵部尚書宜特贈

勅朕昭事上帝懷柔百神繼孝宗祏薦誠吉士仰荷  
純祐爰霑茂恩內外之職存亡被澤某名臣之子賢  
行著聞早垂紳而立朝嘗象河而命秩粵有令淑備  
于嬪嬙祗事先朝協贊內職肆惟追賁殊于外庭宜  
進天臺之班式爲泉壤之耀可

母追封福昌縣太君吳氏宜特追封

勅朕世室執鬯泰壇升煙昭薦至誠以荷並貺誕布

德澤均被幅員眷惟掖廷宜同介福某母某氏淑靈  
素著聖善有聞家庭甚嚴子姓蒙順選納之盛邁于  
先朝褒賁之崇屢光幽窆茂恩所及營魂有知可

樞密王太尉三代

曾祖建福贈太師中書令可贈兼尚書令  
餘如故

勅朕親享七廟昭事上靈牲玉備具粢盛豐潔百神  
咸秩二儀以和嘉與率土同茲介祉眷惟俊傑叅掌  
樞務能緝熙於庶政宜褒賁於遙源具官曾祖某秉  
德有經令華內照不希當世之譽克集高闕之福皇



家啓運嘗得佐命之勲眇躬繼統更獲同寅之輔屬  
嘉壇之已事均惠渥以無垠宜因右省之崇兼進中  
臺之秩錫茲明命式耀幽阡可

曾祖母追封魏國太夫人賈氏可追封國  
太夫人

勅朕躬欵宗祐祇薦靈壇三神以和百禮咸秩誕受  
禧祉均被臣鄰矧惟輔弼之聯素展忠勤之效宜示  
便繁之數追賁曾高之室某曾祖母某氏言容有則  
宗姻爲範卜鄰傳芳早勤胎教斷織成訓聿光彤史  
福善所積源流必長垂休後昆再世爲輔入本其祖

澤流于根更開大國之封以爲令族之耀可

祖祚贈太師中書令兼尚書令可追封國  
公

勅朕清廟奉先柴壇薦信天明地察克伴昭事之儀  
祖德宗功叙于陟配之典肆類成禮百神垂休發為  
霈澤被于函夏樞近之職寵數宜隆某祖某懿範閑遠  
素行夷曠愷悌之政存乎風謠鼓鼙之勲著在方冊  
末年冲退脫迹寵榮世生忠賢為國輔弼閔闕相繼  
邦家所毗嘉孫謨之有成增公爵之攸重可

祖母追封陳國太夫人嚴氏可追封國太



夫人

勅朕祗薦祖宗合享天地精誠上達神靈來顧令生  
之倫罔不蒙澤某官祖母某氏德芳蘭芷行潔冰玉  
女儀修飭母道嚴明肆惟令孫克奉慈訓對掌機軸  
備悉忠誠追述遺懿用增恤典斐蕭之澤泉壤為光  
可

父溥贈尚書令兼中書令追封魯國公

可贈太師

勅朕嗣保丕基奉順舊典致誠恤祀尊祖配天四海  
駿奔三神純佑誕布霈澤被及中區矧惟參典機衡

陟降左右因予繼孝之志特厚顯親之榮其父某佐  
命元勳典邦碩老經綸王業勤勞我家寶貴竭其股  
肱締構同於柱石雲龍胥會寰海具瞻功格皇天德  
壽後裔建惟令嗣輔予冲人祗畏一心贊襄萬務陪  
祠展肅追遠均恩宜因國爵之榮更益帝師之重可  
母道封齊國太夫人常氏可追封國太夫

夫人

勅朕統承鴻祚稱秩明禋親享七室升有列聖嚴恭  
寅畏克終祀事欽時百祿敷錫兆民嘉與輔臣共蒙  
繁祉某母某氏柔明著美淑茂流聲從婦順而有



聖女圖而成德聿昭慈訓克懋閭風勗予舍以能賢  
被國恩而為難再加象服式賁松壻可

母追封丹陽郡太夫人申氏可追封國太  
夫人

勅朕齋明仰祀祇後篤誠親步靈壇恭奠嘉至百神  
望秩四海嚴奉推此介福發為大號粵惟良輔宜先  
茂恩某母某氏託質華族作嬪良士德有壽考之芬  
行含秋霜之潔垂善之福克昌厥後式嘉肯堂之嗣  
庸洒滂泉之澤可

元貽正贈太師可贈中書令

勅朕祗脩禋祀躬執珪幣至誠蠲潔上帝顧臨九州  
駿奔萬國嘉靖思與臣庶同茲休祉矧以國婚之重  
宜廣天倫之愛某兄某名臣之子素行自飾早登赤  
藪之士允號白眉之良功昭于時位不充量屢推恤  
典以寵華宗庸為戚里之榮亦表相門之美增崇西  
省式賁京原可

嫂追封鉅鹿郡太夫人魏氏可追封郡太

夫人

勅朕親款禘室恭陟泰壇昭薦至誠用伸美報翁受  
景貺均彼函宇眷惟輔政之臣當厚元宗之寵某嫂



某氏幽閑飾性柔懿流聲宜家室而有歸訓閨門而  
允穆粵有賢傑贊予樞機庸啓郡圻之封以表天姻  
之重丹駟增貴窀穸安爲光

富副樞三代

曾祖處謙贈太子少保可贈太子太保

勅朕欵七世之廟以展孝思陟八觚之壇崇嚴祀典神  
靈昭格福應休嘉荷天之祿敷祐于下惟時邦傑協  
宣機政克奮同寅之力聿成共濟之美庸褒先範宜  
渙茂恩具官某曾祖某擢光內融含德獨秀動爲禮  
義之表居爲丘園之貴藹流令則實生懿孫皆憑曩

基用成遠器蓋示遙源之寵追升儲傅之華貴此幽  
泉用昭榮祚可

曾祖母追封彭城郡太夫人劉氏可追封

陳留郡太夫人

勅朕親執鬯瓚祗薦牲玉蠲潔至誠昭示大報九州  
率職不爲獨恭百神降祉靡敢專饗嘉興良輔同此  
純休具官某曾祖母劉氏家有表儀動循禮訓珩璜  
中節沼沚宣勤源流深長福祚繁衍是生俊傑爲朕  
股肱宜因國棟之憑再錫郡封之寵式彰遺訓垂耀  
幽阡可



祖令荀贈太子少傅可特贈太子太傅

勅朕奉祖宗之謨承天地之貺修崇元祀用昭美報  
翁受景福敷錫庶邦輔佐之臣名禮當厚推恩及於  
祖禰同德均其誠孝具官某祖某懿行絕俗精識鈞  
深天生忠厚之資家襲義方之訓克茂世閥聿成孫  
謀參處機衡之重時惟廟社之福嘉是遺懿宜推茂  
寵俾從三少之選超登二傳之崇下飾泉扃用隆褒  
典

祖母追封金城郡太夫人趙氏可追封南

陽郡太夫人

勅朕純孝以事宗祧精意以享天地芬芳上達肝鬲  
下臨歆承洪休渙發大號爰均追遠之澤庸廣奉先  
之禮具官某祖母趙氏閨壺著範宗嫔為則婦順自  
飭慈誨有成訓章圖史福流後裔再賁丹軒之寵用  
昭幽窆之光可

父言贈太子少師可特贈太子太師

勅朕昭孝薦誠報本崇祀執瓚世室升煙泰壇馨香  
遠聞靈祇克享萬國嘉靖庶物繁膺實荷神貺教寧  
緜區斯皆輔佐協恭夙夜宣力共致至治洽于飛沉  
宜推茂恩兼被存沒樞密副使富某父某識度周物



文敏起家名高邦伯之政職重即曹之選位不充量  
福流後昆粵生柱石之材克成廊廟之器庸嘉許國  
之原實本教忠之德再優恤典式顯世勞可

武溪集卷第十一

...



